


九家舊晉書輯本

三





九家舊晉書輯本

(三)

湯球輯

王隱晉書卷一

宣帝

宣皇帝河內溫人。文選勸進表注。

魏武辟高祖。高祖以漢祚將終。不欲屈節於曹氏。辭以風痺不能起居。魏武遣親信令史。微服於高祖門外樹陰下息。時七月七日。高祖方曝書。令史竊知。還具以告。又乃重遣辟之。敕行者曰。若復不動。便可收之。高祖懼而應命。事類賦注。秋。御覽三十一稱晉書。檢今晉書不同。知脫王隱二字。

諸葛亮挑戰。冀獲曹咎之利。史通妄飾。

封宣帝爲武平侯。御覽二百。

宣帝討公孫淵。至襄平。遂圍之。起土山地道。楯原以形似誤脩。櫓鉤橦。發石雨下。晝夜攻之。斬傳其首。同上三百三十六。

公孫平。又增封舞陽。昆陽。二縣。同上二百。

宣帝既滅公孫淵。還作榼兩口。二種酒。持著馬上。先飲佳酒。塞口而開毒酒口。與牛金飲而死。同上七百六十一。

魏帝謁高平陵。曹爽兄弟皆從。高祖以爽執政不平。廢之。起奏事永寧宮。悉起營兵及城中餘衆。承制發武庫仗。開四門。出迎魏帝於洛濱。奏爽罪也。初學記九。

天子策命上為相國。文選為鄭冲勸
晉王賡注。

今上受禪。追上尊號曰宣皇帝。文選勸進
表注。

景帝

魏景初中。以上為中護軍將軍。作選用之法。舉不越法。吏無私焉。通典三十四
書鈔。

司馬景王為撫軍大將軍。侍郎都督中外諸軍。錄尚書事。上初總萬機。正身平法。朝政肅然。

天子策上為相國。文選為鄭冲勸
晉王賡注。

毋邱儉、文欽反。遣鄧艾進屯樂嘉。欽果夜銜枚襲艾等。味爽至於城下。御覽三百
五十七。

文帝

姜維出隴右。上帥輕兵到靈州。大破之。諸虜震服。文選四十為鄭冲
勸晉王賡注。

封文帝為高都侯。御覽二
百。

諸葛誕反。淮南孟康王慕曰。宜作土山。斂諸侯材板簿櫓。以為攻具。御覽三百
三十六。

諸葛誕反。上親臨西園。四面並攻。須臾陷潰。斬送誕首。文選為鄭冲勸
晉王賡注。

武帝

世祖武皇帝。文帝太子也。寬仁厚德。深沈有智量。初學記九。引作寬惠
仁厚。深密有智量。風度容貌。綽如也。景元中為撫軍。咸

熙元年晉國初開立爲世子拜撫軍大將軍開府副使二字一作嗣相國御覽百四十八類聚十三略初武帝未爲世子文

帝問裴秀曰人有相否秀曰中撫軍垂髮至地伸手過膝人望既茂天表如此非人臣之相也類聚十六御覽三百

七十
三

咸熙二年立爲太子文帝崩魏帝命上爲相國晉王十一月受禪於魏御覽百四十八類聚十三

咸熙二年十二月丙寅上乃設壇受命於南郊卽洛陽宮幸太極殿前大赦天下御覽六百五十二初學記二十

太始元年詔曰昔唐虞三代之始盛暨於漢魏創制襲崇元勳班爵行賞與國同禮施祿逮下萬邦咸乂

朕以寡德登於天位託於王公之上腹心股肱文武之臣光濟帝業余嘉乃勳慶賞之行其同宜速御覽二百

二百

武帝詔曰御府內省珠玉玩好之物皆以賜王公也御覽八百二

太始四年正月初立籍田丁亥上帥羣臣躬耕千畝大赦天下初學記二十

太始四年班五條詔書於郡國一曰正身二曰勤民今紀作勤百姓三曰撫孤寡四曰敦本息末五曰去人事鈔書

御覽五百九十三

太始六年吳孫琇來奔武帝以孫琇爲伏波將軍御覽二百四十案晉書作拜驃騎將軍

武帝太始七年三月詔大官減膳初學記九案晉書紀稱閏月大霧在五月下

太始九年。聘公卿子女。以備六宮。武帝臨軒。拜諸葛婉爲夫人。李華爲貴人。御覽一百四十四。

又採侍御史齊國左維女爲脩儀。有文才。同上。一百四十五。

泰始十年。中書監荀勗上古尺。玉海八。

咸寧四年。有獻雉頭裘者。上曰。異服奇裘。典制所禁也。其於前殿燒裘。敕有異服者。依禮致罪。初學記九。

咸寧五年。白麒麟見平原。類聚九十八。

武帝伐吳。以王渾爲安東將軍。以王濬爲平東將軍。以胡奮爲平南將軍。御覽二百三十九。

太康元年。龍驤將軍王濬等。攻建平丹陽城。剋之。東擊西陵以下。盡拔其城。虜其將帥。於是上下諸軍。同

時並進。吳人降者以萬計。吳丞相張悌。及護軍孫震。與揚州刺史周浚等。戰於板橋。破之。臨陣斬悌。震首

濬。遂汎舟東下。所歷皆平。軍至秣陵。皓面縛輿櫬。將其太子詣濬降。乃收其圖籍。皆因吳所置。除其虐政。

示以簡易。百姓大悅。乃赦天下。改元爲太康。天下大酺五日。御覽三百四。

太康元年。汲縣民盜發魏襄王墓。或言安釐王冢。得竹書漆字數十車。皆簡編蝌蚪文字。束皙爲著作。隨

宜分析。皆有冥證。古書有易卦似連山歸藏。又有春秋似左傳。有銅劍一枚。長三尺五寸。書鈔。十又四十。類聚

上與羊祜。張華。謀伐吳。朝士莫知也。潛乃籌量虛實爲戰備。孫皓面縛輿櫬降。有司奏晉德隆茂。光被四

表。吳會旣平。六合爲一。宜勒封岱。以彰聖德。詔曰。此盛德之事。所宜未議。類聚

太康三年罷刺史將軍官。刺史依漢制。三年一入奏事。書鈔。案晉書紀。稱罷平州寧州刺史。三年一入奏事。

太康五年龍見武庫井中。御覽五百四十三。詳見瑞異記。

太康五年夏六月初置黃沙獄。御覽六百四十三。

太康六年荊州送兩足虎。類聚九十九。詳見瑞異記。

太康七年出後宮才人女伎已下百七十人歸家。御覽百四十五。

太康十年詔曰陽平太守梁柳治績大異賜粟千斛秩中二千石。書鈔

太康十年太廟成遷神主於新廟上帥百官奉迎於道左遂親禘祫賜王公以下至司馬督子弟官賜作

廟者帛。御覽五百二十八及五百三十一。

武帝少厲高行造次必於忠恕未嘗有過言失色於人。初學記九。

惠帝

永平元年詔云祕書監綜理經籍攷校古今課試署吏領有四百人宜專其事。初學記十二。御覽二百三十三。案時復置祕書監官。

元康五年十月武庫火。一作災。焚累代之寶檢校是工匠盜庫中物恐罪乃投燭著麻膏中火燃。御覽八百六十四。

元康六年正月辛酉上南郊大赦天下。初學記二十。

齊萬年帥羌胡圍涇陽遣安西將軍夏侯駿西討氏羗。文選二十關中詩注。

元康九年十一月天連日大風發屋折樹御覽百四十八

廢太子為庶人送太子於許昌宮之別坊文選晉紀總論注

永康元年賈后矯詔使小黃門孫憲當作害太子趙王倫酖殺賈后帝詔諡適為愍懷皇太子同上

永寧元年趙王倫篡位成都王穎謀舉義兵迎天子同上

齊王冏舉兵討倫臨陳斬之文選謝平原內史表注

永寧二年立清河王覃為太子御覽百四十九

成都王攻洛大駕幸北城觀上看孟豺軍人擘尻面天子豺後大人降長沙王以豺軍人辱帝東市斬之

御覽三百七十六

長沙王又與齊王冏相攻冏敗縛至上前又叱左右斬之文選晉紀總論注

太安二年案永寧二年十二月殺冏後改為太安元年九月丁丑上舍於河橋初學記七案時河間成都表誅長沙王又逼京師

上攻張方決千金堰水確不作發王公家奴婢手舂給兵男子自十三以上皆從役於是公私窮蹙米石

萬錢御覽四百八十八

長沙王又出征連戰敗走遂誅之文選晉紀總論注

永興元年成都河間王王字疑是表字復廢覃為清河王立成都王穎為皇太弟御覽百四十九

大駕北伐。成都王穎統王師於蕩陰。敗績。上傷頰。失六璽。左右奔走。御覽三百六十七。

法駕幸於鄴。高堂隆刻鄴宮屋材云。後若干年。當有天子居此宮。惠帝止鄴宮。治屋者土剝更泥。一作始

見刻字。計年正合。二字一作在今時。類聚六十二。御覽九十七。又一百七十三。

惠帝自鄴中還洛陽。案王浚攻鄴。盧志勸成。都王穎奉天子還洛陽。賜中書監盧志鶴綾袍一領。御覽六百九十五。

帝在長安。永興。原誤永。康。二年。東海王越率天下甲士十三萬人。奉迎大駕還洛。文選迎大駕一首注。

惠帝為太子時。上素知太子闇弱。後必亂國。然不能擇才。乃遣荀勗和嶠往觀之。勗還盛稱太子德更進

茂。不同西宮之時也。嶠答詔稱。臣以為太子如故。不見更勝。此自陛下家事。非臣所盡知也。於是天下貴

嶠而賤勗也。御覽百四十八。

惠帝時有錢神論曰。錢之為體。有乾坤之象。其積如山。其流如川。動靜有時。行藏有節。市井便利。不患耗

折。原誤。枯。難析。朽。原作。象壽不匱。象道故能長久。為世神寶。親故如兄。字曰孔方。失之則貧弱。得之則富貴。無

翼而飛。無足而走。解嚴毅之顏。開難笑之口。錢多者處其前。錢少者居其後。初學記二十七。案全文見晉書魯褒傳。

識書有蝦蟆當貴。惠帝在宮時。出問左右。此鳴是官蝦蟆為私乎。賈充對曰。在官地中為官蝦蟆。在私地

中為私蝦蟆。於是世間遂傳此語。御覽四百九十九。

懷帝

懷帝即位年號永嘉文選述祖德詩注

懷帝永嘉元年有玉龜出灞水唐類函二十五

洛陽城內東北一作東南角步廣里中地陷中有二鵝其一蒼者飛去其一白者不能飛問之博識者一作

博士不能知世說注五書鈔詳見瑞異記及董養傳

永嘉五年羯賊劉曜破洛文選勸進表注

永嘉七年皇帝崩於平陽文選勸進表注

洛陽破大司馬南陽王保於長安立秦王為皇太子懷帝崩皇太子即位同上本紀懷紀

愍帝

愍帝建興元年夏四月壬申上即位於長安宮改元改永嘉七年為建興元年大赦天下與之更始前後不及者皆除

之御覽六百五十二

建興二年溫嶠為劉琨假守左司馬都督上前鋒諸軍事討劉聰世說注八

愍帝建興二年漢曹嶷據臨淄發景公及管仲冢尸並不朽繪帛可服珍寶巨萬御覽五百五十七

建興四年帝蒙塵於平陽丞相睿刻日北征以漕運稽期丞相府督軍令史淳於伯刑於建康市百姓誼譁咸曰伯冤於是大旱

三年御覽八百七十九

元帝

元皇帝。宣帝之曾孫。文選勸進表。琅瑯恭王之長子。同上。

元帝初。藉藁草悉成禾。御覽八百七十三。

元帝白毫生額上。有光明。同上三百六十四。

永興元年。就國。二年。加揚州諸軍事。文選勸進表注。

大興元年。河水竭斷百餘步。兩頭深淺如故。中絕不流。占經一百。

明帝

太寧元年。黃霧四塞。御覽十五。

穆帝

孝宗欲於後園。修立池苑。江道諫以強賊未滅。宜精軍備。嘗存儉約。以率羣下。御覽八百二十四。

王隱晉書卷二

地道記

司州河南郡

雒陽城內南北九里七十步東西六里十步爲地三百頃一十二畝有三十六步城東北隅周威烈王家。

劉昭注補一稱晉太康地道記。按係兩引其書而太康下脫一記字。

洛陽宮西宜秋里門東向南壁石生地中始高三尺如香爐形人多祀之。編珠

尸鄉故殷湯所都者也亦曰湯亭田橫死于是亭故改曰尸鄉。鄆道元水經注

右雒陽案郡國志·醫師有尸鄉·晉

王城去雒城四十里。劉昭續漢書郡國志注補一

鄆鄉在縣西南有鄆亭。同上

右河南

營在縣之東。劉昭注補一

坎埒聚在縣南。同上

坎塼聚在鞏西。

水經注十五洛水下。按注云。京相璠曰。鞏東地名坎飲。春秋。王出及坎飲。服虔亦以爲鞏東邑。地道記言在鞏西。非也。

右鞏。

濟自大伾入河。

與河水鬪。南洑爲滎澤。水經注濟水下。

濟自大伾入河。與河水鬪。大伾在成皋。古成皋兼包鞏縣之界。溢出爲滎水。

太平御覽水部。

右成皋。

潁水出陽城山。

劉昭注補二。

右陽城。

陽翟去洛陽二百八十六里。屬河南。

劉昭注補二。

釣臺下有陂。俗謂之釣臺陂。

太平寰宇記七。

右陽翟。

滎陽郡

京有大索。小索亭。漢書京索之間也。

水經注濟水下。

右京。

陽武滎陽有博浪沙。張良爲韓擊秦始皇處。

御覽百五十九州郡五。太平寰宇記二。

右陽武

令縣在滎陽

史記索隱六

右令

宏農郡

漢宏農本函谷關有桃林也

寰宇記六

宏農亭在宏農縣東十三里

水經注河水下

右宏農

湖本胡縣也漢武帝改作湖俗云黃帝自此乘龍上天也

水經注四河水下

右湖

秦之華陽潼關是也

劉昭注補一

太華山在縣西南

同上

右華陰

上洛郡

郡在洛上故以為名

水經注二十渭水下

右郡。

饒關當在上洛縣西北。同上十九。

右·上·洛。

伊水東北入雒。劉昭注補一。

右·盧·氏。

平陽郡

平陽有堯城。劉昭注補一。

右·平·陽。

楊故楊侯國。晉滅之以賜大夫羊舌肸。漢以為縣。屬河東郡。後漢同。魏置平陽郡。楊縣屬焉。襄字記四十三。

梁城去楊縣五十里。叔嚮邑也。劉昭注補一。

右·楊。

皮氏縣有介山。子推所逃隱于是。水經注四汾水下。

右·皮·氏。

河東郡

咸山在安邑南。劉昭注補一。

右安邑。

首山在蒲阪。與胡縣相連。宋書州郡志二。

蒲阪有雷首山。一名滌山。徐堅初學記八。

右蒲阪。

襄陵。晉武公從曲沃徙此。劉昭注補一。

右襄陵。

左傳。文十三年。詹嘉處瑕。在猗氏縣東北。同上。

右猗氏。

汲郡

汲縣有銅關。劉昭注補一。

右汲。

朝歌本沫邑也。詩云。爰采唐矣。沫之鄉矣。殷王武丁始遷居之。為殷都也。禹貢紂都在冀州大陸之野。卽此矣。有糟邱酒池之事焉。有新聲靡樂。邑號朝歌。水經注九淇水下。

右朝歌

庚袞入林慮山食木實餌石蕊得長年也。陳藏器本草。

右林慮

河內殷國也。周名之爲南陽。秦始皇改曰修武。水經注。清水下稱王隱說。

右修武

河內郡

河陽別縣。非溫邑也。水經注河水下。

右河陽

廣平郡

肥鄉太康中立。以隸廣平也。水經注十濁章水下。

右肥鄉

陽平郡

元城縣南有瑱陽城。劉昭法補二。

右元城

樂平東南有夷儀道通襄國夷儀山在城北故塞寰宇記五十九

右樂平

魏郡

高堂隆刻鄴宮屋材云後若干年常有天子居此宮惠帝止鄴宮治屋者土剝更泥一作始見刻字計年

正合二字一作在今時歐陽詢藝文類聚六十二御覽九十七又百七十三

兗州陳留郡

儀封人浚儀人此縣人也劉昭注補二

右浚儀

長垣古衛故匡城地孔子所厄處也御覽州郡四

右長垣

承匡城在縣西左傳文十一年會郤缺於承匡劉昭注補三案御覽誤列入長垣縣下

右襄邑

濮陽郡

廩丘者春秋之所謂齊邑矣實表東海者也水經注二十四瓠子水下

右廩邱。

濟陽郡

成武縣有稭城。劉昭注補二。

右成武。

高平國

金鄉縣多山。所治名金山。山北有鑿石爲冢。深十餘丈。隧長三十丈。旁卻入爲室三方。云得白蛇。二字因御覽五百五

十七引白兔不葬。更葬南山。鑿而得金。故曰金山。故冢今在。或云漢昌邑所作。或云秦時。劉昭注補三。

右金鄉。

湖陸縣西有費亭城。魏武帝初所封。同上

右湖陸。

東平國

壽張有蚩尤祠狗墟。同上

右壽張。

秦亭在范縣西北。同上

右范。

豫州潁川郡

長社縣本名長葛。社中樹暴長。漢改名。劉昭注補二。

右長社。

汝南郡

吳房有吳城。同上

右吳房。

襄城郡

襄城故城。楚靈王築。水經注二十。一汝水下。

右襄城。

高陵山。汝水所出。劉昭注補二。

右定陵。

汝陰郡

汝陰有陶邱鄉。詩所謂汝墳。同上

右汝陰。

新蔡有大呂亭故呂侯國。同上

右新蔡。

梁國

梁孝王築城十二里。小鼓唱節。杵下而和之。稱睢陽曲。同上

昭二十一年。禦諸橫。橫亭在睢陽縣南。同上

右睢陽。

項有公路城。袁術所築。同上

右項。

陳城西南角有淮陽城。漢淮陽城也。寰宇記

陳城南道東有宛邱。漸欲平。水經注沙水下。

陳城北有故沙。名之爲死沙。而今水流津通。漕運所由矣。同上二十二沙水下。

城北有谷水。同上

右陳。

惠帝永康中復立陽夏縣。寰宇記十

右陽夏。

苦城南三十里有平城。劉昭注補二

右苦。

沛國

沛有許城。左傳定八年鄭伐許。同上

右沛。

豐去國二百六十、州六百、維千二十五里。同上

右豐。

左傳昭八年大蒐於紅。同上

右紅。晉書地理志作虹

譙郡

左傳隱二年入向城。在龍亢縣東南。同上

右龍亢。

魯郡

孔子葬於魯城北泗水上。水經注二十
五泗水上。

五父衢在魯城東。劉昭注
補二。

右魯

薛夏車正奚仲所封。冢在城南二十里山上。同上

仲虺城在薛城西三十里。水經注二十
五泗水下。

右薛

弋陽郡

西陽故弦子國也。水經注三十
五江水下。

右西陽

楚滅邾。徙其君此城。劉昭注
補。

右邾

安豐郡

左傳襄公二十六年。楚子、秦人、侵吳。及雩婁。聞吳有備而還。雩婁在安豐之西南。水經注決
水下。

右雋婁

安豐縣。安豐郡之屬縣也。俗名之曰安城矣。水經注三十

決水在安豐縣之西南。即其界也。水經注三十二

右安豐

冀州趙國

房子有礫塞。中谷塞。劉昭注補二

右房子

元氏有石塞三公塞。同上

右元氏

中邱有石門塞。燒梁關。同上

右中邱

平原國

平原有篤馬河。劉昭注補四

右平原

樂陵國

厭次屬平原。後屬樂陵國也。史記索隱三。

右厭次。

樂陵國有新樂縣。水經注九清河下。

右新樂。

勃海郡

晉改阜邑爲阜城。寰宇記六十三。

右阜城。

河間國

中水縣屬河間。史記索隱本紀七。

右中水。

清河國

清河國凡領清河等六縣。初學記八。

右清河。

靈有鳴犢關。劉昭注補二。

右靈。

中山國

蒲陰有陽安關。陽城蒲陽山。蒲水所出也。同上蒲陰縣有安陽關。蓋安陽關。都尉治。俗名斯川。為陽安城。

水經注十一
滹水下。

右蒲陰。

望都縣有馬安關。劉昭注補二。望都縣有馬溺關。水經注十一望都縣有委粟關。同上

右望都。

常山郡

元氏改屬趙國。其常山郡移理於真定。寰宇記六十一。

右真定。

自上曲陽縣北行四百二十五里。恆山。多山坂。號一作名飛狐口。劉昭注補二。

右上曲陽。

幽州

幽州因幽都以為名。句亦見御覽州郡部八。山海經有幽都之山。今列於北荒矣。寰宇記六十九。

舜以冀州南北廣大分燕地北地為幽州。御覽州郡部八。

舜以冀州南北廣大分燕地北為幽州。夏殷省幽併冀為冀州之域。周復置幽州。寰宇記六十九。

右州。

范陽國

故安縣屬范陽國。寰宇記六十九。

右故安。

上谷郡

上谷郡在谷之頭。故因以上谷名焉。王莽改名朔關也。水經注十二。聖水下。

右郡。

燕國

安樂晉封劉禪為國。水經注沽水下。

右安樂。

北平郡

鴻上關尉治北平而畫塞於望都東北去北平不遠兼縣上所拯也。水經注十
澹水下。

右郡。

遼西郡

遼西人見有浮棺欲破之語曰我孤竹君原落子也汝破我何為因為立祠焉祠在山上城在山側肥如

縣南十二里水之會也。水經注十
四濡。

右郡。案郡國志孤竹城屬令支晉
書地理志無此縣故附郡。

平州昌黎郡

昌黎有青城山。劉昭注
補五。

右昌黎

并州太原郡

晉水出龍山。水經注
六。

右晉陽

少山即大谷水所出經祁縣界。寰宇記
四十。

右陽邑

上黨郡

高都縣有太行關。丹谿爲關之東谷。途自此去。不復由關矣。水經注九
沁水下。

右高都

西河國

晉改茲氏爲隰城縣。注原
脫。

右隰城

西河有中陽舊縣也。水經注六
文水下。

右中陽

殺遠今名孤遠。後代語譌耳。御覽州郡
部七。

右界休。案寰宇記。晉省
殺遠縣入界休。

雍州

雍州兼得梁州之地。西北之位。陽所不及。陰氣壅遏。故取名焉。藝文類聚
地部一。

右州

京兆郡

枳道亭在霸水西。劉昭注補一。宋敏求長安志一。

右霸城。

藍田有虎侯山。劉昭注補一。

右藍田。

西鄭鄭桓公友之始封。水經注。渭水下稱王隱說。

右鄭。

馮翊郡

蓮勺縣屬馮翊。寰宇記二十。

右蓮勺。

扶風郡

池陽有嶽薛山。在北有鬼谷先生所居。劉昭注補一。

右池陽。

郁夷省併郿。蓋因王莽之亂。郁夷之人寄理郿界。因併於郿。太平寰宇記三十二。
省釐也。即郿。以併郿。蓋取釐之南境。渭之南以併郿。非省縣也。同上二十七。

右郡。

雍縣秦德公所居西號地也。水經注十八渭水下。

右雍。

汧縣屬秦國漢故城在今縣南漢置隴關西當戎翟今名大震關在今縣西。寰宇記三十二。

汧陽縣屬秦國吳山在西。初學記八。

右汧。

安定郡

烏枝有烏水出薄洛谷。劉昭注補五。

右安定郡舊烏枝縣。案烏枝郡國志屬安定安定北地二郡由涼州自晉初皆移屬雍州此及泥陽縣亦久省今附此。

北地郡

泥陽有泥水出郁郅北蠻中。同上

右北地郡舊泥陽縣。

崩成屬北地。史記索隱六。

右崩成。

始平郡

司竹都尉治鄠縣。其園周百里以供國。宋敏求長安志八。

右鄠

新平郡

漆水在漆縣西。劉昭注補一。

右漆

涼州

涼州城有龍形。故曰臥龍城。南北七十一一作七里。東西三十一一作三里。本匈奴所築也。以上亦見藝文類聚六十三。乃張氏之

世居也。又張駿增築四城。箱各千步。東城殖園果。命曰講武場。北城殖園果。命曰玄武圃。皆有宮殿。自張駿以

下亦見御覽百九十七。中城內作四時宮。隨節遊幸。并舊城爲五街衢相通。二十二門。大繕宮殿觀閣。采綺妝飾。擬

中夏也。水經注四十都野澤下。

漢末博士燉煌侯瑾善內學。語弟子曰。涼州城西有泉水常竭。有雙闕起其上。魏嘉平中。武威太守條

茂起學舍。築闕於此。以上亦見藝文類聚六十二。泉太守填水。造起門樓。與學闕相望。水經注四十。

右州

武威郡

姑藏城。匈奴所築。舊名蓋臧。後人語譌為姑臧城。水經注河水下。

姑臧南山。山谷水所出。劉昭注補五。

右姑臧

倉松南山。松陝水所出。同上。

右倉松

燉煌郡

咸寧三年起居注。載燉煌郡上金洞中生金。百陶不消。可以切玉。御覽八百十。

右郡

秦州隴西郡

首陽有三危山。三苗所處。故名苗谷。水經注十七。

右首陽

蘭池縣屬隴西郡。初學記八。

右蘭池

大夏縣有禹廟。禹所出也。水經注河水下。

右隴西郡舊大夏縣。

南安郡

新興縣。南安之屬縣也。水經注十七渭水下。

右新興。

天水郡

漢陽有大阪名隴坻。亦曰隴山。郡處其西。故曰隴西。其山堆旁崩。聲聞數百里。揚雄所謂響若坻頽者也。

御覽州郡十一。

右成紀。

天水。始昌縣故城西也。亦曰清崖峽。水經注二十。

武都郡

河池有泉街水。劉昭注補五。

右河池。

晉昌郡

惠帝以燉煌土界闊遠，分立晉昌郡。文選管子
悌注。

晉昌護匈奴中郎將別領戶。同上

梁州

梁州南至桓水，西抵黑水，東限扞關，今漢中巴郡、汝山蜀郡、漢嘉、江陽、朱提、涪陵、陰平、廣漢、新都、梓潼、犍爲、武都、上庸、魏興、新城，皆古梁州之地。自桓水以南爲夷，書所謂和夷底績也。水經注三十
六桓水下。

魏末克蜀，分廣漢、巴、涪陵，以北七郡爲梁州。理漢中之沔陽，歷晉太康中，州又移理漢中郡。寰宇記一百
三十三。

右州

漢中郡

孝武太元十五年，梁州刺史周表立。宋書州郡志三稱晉地記。
下距孝武太元十五年已遠。案王隱傳。隱撰晉書當成於成帝時。
此晉地記當是別一書。姑附錄於此。

右郡

梓潼郡

梓潼五婦山，馳水出。建安二十二年，劉備以爲郡。劉昭注
補五。

右梓潼

新都郡

縣竹有紫巖山。縣水之所出焉。同上

右縣竹。

梓潼有漢德縣。宋書州郡志四。

右漢德。

晉壽郡

孝武太元十五年。梁州刺史周馥表立晉壽郡。宋書州郡志三稱晉地記。案馥非寧武時人。

右晉壽。

巴郡

平州屬巴郡。史記索隱六。

右平州。

巴東郡

入湯口四十三里。有石煮以爲鹽。石大者如升。小者如拳。煮之。水竭鹽成。蓋蜀漢火井之倫。水火相得。乃

佳矣。水經注三十三江水下云。湯水南入於江。名曰湯口。

右魚復。

南漢中郡

孝武太元十五年。梁州刺史周瓊表立。宋書州郡志四稱晉地記。

右郡。晉書地理志無。今附此。

益州越巂郡

鹽池澤在南。劉昭注補五。

右姑復。

牂柯郡

且蘭有沈水。同上。

右沮蘭。

鑿縣不狼山。鑿水所出。同上。

右鑿。

西隨。隄水西受。徼外東至麋冷。入尙龍谿。同上。

右西隨。晉書地理志無此縣。

寧州雲南郡

連山無血水所出。同上

右栲棟。

興古郡

劉禪建興三年分牂柯置興古郡治律高。水經注溫水下。

右律高。

興古郡治宛漏縣。水經注三十六。

右宛漏。

句町有文衆水。劉昭注補五。

右句町。

毋掇有橋水出橋山。同上

右毋掇。

賁古南烏山出錫。同上

右賁古。

大河水東至毋掇入橋水。同上

右滕休。

興古郡漢興縣。宋齊州郡志四。

右漢興。

建寧郡

同瀨縣有同虜山。水經注三十六。

銅虜山米水所出。劉昭注補五。

右同瀨。

青州齊國

臨淄縣西南門曰曲門。其側有池。劉昭注補二。按因魯國汶陽縣北有曲水亭。故名。

右臨淄。

東安平有羌頭山。同上四。

右東安平。

濟南郡

養澤在西幽州藪。有萊山萊主祠。同上。

右下密。

樂安國

臨濟本狄左傳狄伐衛懿公。同上

右臨濟。

北海國

晉書地理志無。今從晉太康地記。

鄆城在都昌縣西。同上

右都昌。

安邱有渠邱城。同上

右安邱。案二縣。晉書地理志皆無。

東萊郡

黃縣東二百三十里。至海中連岑有土道。秦始皇登此刻二碑。東二百三十里。有始皇漢武帝二碑。同上

案此係兩引。原誤合為一條。

右黃。

愷有百枝萊君祠。同上

右愷。

東萊掖縣有過鄉。北有過城。古過國也。史記索隱十。

右掖。

徐州東海郡

海中去岸百九一作五十步。有秦始皇碑。長一丈八尺。廣一作闊五尺。厚八一作三尺。三一作八寸。以上亦見初學記八。一行

十三字。潮水至加其上三丈。去則三尺見也。同上

右贛榆。

蘭陵故魯次室邑。列女傳有漆室之女。或作次室。同上

右蘭陵。

戚屬東海。史記索隱六。

右戚。

琅邪國

陽都屬琅邪。同上

右陽都。

東莞郡

廣縣在東莞。同上

右廣

荊州南郡

陶朱冢在華容縣。樹碑云是越之范蠡。水經注三十。二夏水下。

右華容

襄陽郡

永康元年。襄陽郡上言得鳴石鐘。聞七八里。御覽五十一地部十六。案此引王隱晉書。當是瑞異記。非地道記也。今兩錄之以備攷。

右郡

義陽郡

義陽郡以南陽屬縣為名。宋書州郡志三水經注三十。案晉太始中。割南陽東鄙之安昌。平氏。平林。義陽四縣置。

右郡

魏興郡

安康縣屬魏興郡。寰宇記百四十一。

右安康。

上庸郡

武帝太康元年改上庸之廣昌爲庸昌二年省同上

右郡

宜都郡

吳分南郡立宜都郡。

右郡

零陵郡

泉陵縣有香茅氣甚芬香言貢之以縮酒也。水經注三十八湘水下。

右泉陵。

應陽縣本泉陵之北部東五里有鼻墟象所封也。水經注三十八湘水下。史記正義一稱王隱晉書。

右應陽。

安成郡

宜春縣出美酒隨歲舉上供刺史親付計吏。寰宇記一百九。

右宜春。

揚州吳郡

吳有鹽官縣。水經注江水下。

右鹽官。

吳興郡

陽羨有章浦亭。周處封章浦亭侯。卽此。寰宇記九十三。

右陽羨。案晉書地理志。惠帝永興元年。割吳興之陽羨等立義興郡。則吳興郡應有此縣。

晉安郡

晉安郡。太康三年置。文選酬王晉安注云卽今之泉州。

右郡。

廬江郡

尋陽南通五嶺。北導長江。遠行岷漢。亦一都會也。御覽百七十九州郡十六。

右尋陽。

鄱陽郡

鄱陽安樂出黃金鑿土十餘丈披沙之中所得者大如豆小如粟一作米初學記二十七御覽八百十

右樂安

廬陵郡

太康中以雩都、贛、南野等縣割爲南康郡而廬陵百姓去管遙遠乃移郡於石陽縣今舊州東北故城是

也寰宇記一百九

右石陽

交州交阯郡

羸隲南越侯織在此劉昭注補五

右羸隲

九眞郡

九眞郡有松原縣水經注三十六溫水下

右松原

九德郡

九德郡有浦陽縣同上

右浦陽。

九德郡有九德縣。同上

右九德。

九德郡有南陵縣。晉置也。同上。宋書州郡志稱。九德郡南陵縣。晉武帝立太康。地志無。王隱志有。

右南陵。

日南郡

日南郡去盧容浦口二百里。故秦象郡。象林縣治也。水經注三十。六溫水下。

右盧容。

日原脫今補。南郡象林南有四國。皆稱漢人。貢金供稅。初學記二十七。御覽八百十。

右象林。

朱吾縣屬日南郡。去郡二百里。此縣民漢時不堪二千石長吏調求。引屈都乾爲國。林邑記曰屈都夷也。

水經注三十。六溫水下。

右朱吾。

合浦郡

朱崖在大海中。遙望朱崖洲大如菌。舉帆一日一夜至洲。周市二千里。徑度七八百里。上可十萬家。女多
姣好。長髮美鬢。御覽六十九。

右朱崖。

廣州東官郡

晉書地理志·成帝分南海郡立東官。

海陽縣故屬東官

宋書州郡志五。

右海陽。

綏安縣故屬東官

同上

右綏安。

海寧縣故屬東官

同上

右海寧。

湖陽縣政屬東官

同上

右湖陽。

臨賀郡

臨賀縣故屬南海

同上

右臨賀。

蒼梧郡

高要縣東去郡五百里。刺史下避毒徙縣水居也。水經注·浪水下
稱晉書地理志。

右高要。

猛陵縣龍山合水所出。劉昭注
補五。

右猛陵。

王隱晉書卷二

禮樂記

荀勖以魏杜夔所制律呂檢校定太樂總章鼓吹八音與律呂乖錯始知後漢至魏度漸長於古尺四分餘而夔依爲律呂故致不韻部佐著作劉恭依周禮制尺所謂古尺也依古尺作新律呂以調聲韻以律量黍以尺度古器皆與本銘尺寸無差又故冢得古玉律鐘磬亦與新律闡合遂班下太常使太樂總章鼓吹清商施用勖遂典知樂事

御覽十
六

陳總遷殿中侍御史詔遣詣終南山請雨總除小石祠唯存大石一所而祈之上文曰峨峨大石佐岳通

理含滋吐潤惠我四海

初學記五
御覽五十

惠帝使校尉陳總仲元詣洛陽山請雨總盡除小祀唯存大石而祈之七日大雨

水經注
十五

輿服記

陳舒議至尊臨溫公夫人喪議曰今白帟深衣當古弔服至尊臨弔謂深衣而已

御覽六百
八十八

御史中丞傅咸北軍中侯鄭翊等以爲三駕鹵簿圖有幽州突騎豫州蕩騎各五十人

書鈔

梁冀與妻孫壽共乘輦張明蓋飾以金銀以騁娛樂

御覽七百
七十四

石瑞記

著作郎邱衆表稱世祖武皇帝擢臣負薪之中授臣著作佐郎典治天下文義數術乃撰諸志也

魏時張掖石瑞有二玦禮能使決疑者珮玦故遣其臣亦受之以玦今靈一作晉命有二玦其一當魏歷

數既終當禪大晉故與之玦凡受命居天子之位皆衆人之所疑以武皇帝能斷決狐疑應天順民受曹

氏禪而無疑得應珮玦故以賜焉是以有二玦御覽六百九十
二書鈔

永嘉初陳國項縣賈逵石碑中生金人盜鑿取賣賣已復生此江東之瑞書鈔御覽五百八十九
又八百十俱稱石瑞記

晉金德元帝興於江東故云江東之瑞事類賦
注九

王隱晉書卷四

瑞異記

史通書志云·王隱後來加以瑞異·斯則自我作故·出乎胸臆·而諸書所引·則又有作石瑞記·或作名瑞記者·其瑞異分記云·不能定也·故除別錄引作石瑞記·及實見爲石瑞記外·姑依晉書五行志前後錄出

·以俟
·攷·

元康五年十月武庫災焚累代之寶

文選關中詩注

蒼梧太守吳臣據郡邑不恭王命孫權遣步騭爲交州喻臣臣照鏡不見其頭騭因入斬之

御覽三百六十四

咸寧三年起居注載燉煌郡上金洞中生金百陶不消可以切玉

御覽八百十

甘卓家金匱鳴聲似槌鏡清而悲師言金匱將離是以悲鳴尋而卓下吏將軍周慮等承望王敦意害卓

御覽七百十三

賈后作頡字髻太子見易之象也

御覽百四十八

惠帝元康六年陳國有雞生雄雞無翅既大墜坑而死王隱以爲雄者胤嗣子之象坑者地事爲母象今

雞生無翅墜坑而死此子無羽翼爲母所陷害乎於後賈后誣殺愍懷殆

一作此其應也宋書志二十四晉書志十七

咸寧元年洛陽太祖廟中有青氣占者云以爲東莞王後當有天子後改封琅琊江東之應也

御覽十五

建興四年丞相府督軍令史淳于伯刑於建康市百姓誼譁咸曰伯寃於是大旱三年

御覽八百七十九

大興元年。河水竭。斷百餘步。兩頭深淺如故。中絕不流。開元占經第一百卷。

洛中歌何德真。二人共披一幡。牽離奈何。左校令成。藝以為德真將死也。御覽八百十九。

惠帝時謠曰。二月盡。三月初。桑生。裴雷柳葉舒。書鈔引作華生。裴雷柳葉舒。

荆筆楊版行詔書。宮中大原此下有司字。馬幾作原為作幾。驢。既而楊駿荆王反。御覽六百六。

元康九年。是時童謠曰。東宮馬子莫聾啞。前至臘月纏汝髮。同上。一百四十八。

愍帝初時有謠曰。天子在何許。近在豆田中。類聚八十五。御覽八百四十一。

王浚在幽州。謠曰。幽州城門使藏尸。中有伏屍王彭祖。御覽五百四十九。

棗嵩用事於王浚時。謠曰。十囊五囊入棗郎。同上。七百四。

石勒時有謠云。一杯食。有兩匙。石勒死人不知。同上。七百六十。

泰始元年。白麟見。羣獸皆從。改年曰麟嘉。類聚九十八。案晉書帝紀。泰始元年有麟見事。未聞改年曰麟嘉。惟載記呂光傳。太元十四年麟見金澤。百獸從之。光以為瑞。僭即三河王。

位。年號。麟嘉。

咸寧五年。白麒麟見平原。同上。

太康六年。荊州送兩足虎。時尚書郎索靖議稱半虎。博士王銓為文曰。般般白虎。觀覺荆楚。孫吳不逞。金

皇赫怒。同上。九十九。

中宗詔問王隱曰。荊州送兩足虎。其徵何爲也。隱曰。謹案先臣銓傳。太康時兩足虎。因作詩以諷銓。意以爲晉金行也。金在西方。其獸爲虎。虎有四足。猶國有四方。無半勢而又見獲。將有惑懷之禍也。占經一百十六。

王浚居幽州。有狐踞浚府門中。翟雄入廳事。遂爲石勒所殺。御覽八百八十五。

太康十年。洛陽宮西宜秋里。門東向南壁石生地中。始高三尺。如香爐形。人多祀之。編珠一。

永康元年。襄陽郡上言得鳴石鍾。鍾字當依晉五行志作撞。聞七八里。御覽五十一。

懷帝永嘉元年。有玉龜出灞水。唐類函二十五。

石勒鄉里所居原上地中。石生日長。類鐵之象。御覽五十一。

元康九年夏。桑生於東宮西廂。日長尺餘。數日枯。御覽百四十八。

永嘉元年。洛陽城內東南角廣里中地陷。中有二鵝。其一蒼者飛。其一白者不能飛。問博士不能對。陳留

孝廉浚儀董養。字仲道。聞而歎曰。昔周所會盟狄泉。卽此地也。今有二鵝。蒼者胡象。後胡當入。白者諱

也。言國家之象。書鈔。稱名瑞記。

王浚居幽州。翟雄入廳事。遂爲石勒所殺。御覽八百八十五。

元康九年正月。月暈。赤黃數重。御覽百四十八。

元康九年。晉書五行志作永康元年。三月尉氏雨血。同上。

祖約爲豫州府內地皆赤如丹其後果凶。占經四。

東海王越自陽成帥甲士四萬京邑移徙次許昌以馮嵩爲左司馬越領豫州牧三月四日日有赤光散流其光若血下流其光之所照皆赤則七十二日大夫不忠青色則六十三日諸侯驕蹇黃色五十四日昏刑庶孽中官之輩謀作奸白色四十五日卿士伏兵四夷竝動黑色天子臨危命在四方。占經五。

元康九年三月十八日滎陽河南潁川繁霜殺桑及桃李杏花。御覽百四十八。

元康九年三月城中有音聲若牛出許昌城。占經十四。御覽百四十八。

蘇峻外營將表曰鼓自鳴峻自斫鼓曰我鄉里時有此則空城有頃詔書徵峻。世說注四。

元康九年十一月天連日大風發屋折樹。御覽百四十八。

郭洗牛生犢兩頭八足。御覽八百九十八。

太寧元年黃霧四塞王敦之應也。御覽十五。

太康五年龍見武庫井中車駕親幸有喜色內外咸議曰當賀劉毅獨表舊典無賀龍之禮詔報政德未

修慶賀之事宜詳依舊典。御覽五百四十三。

齊王冏輔政太安元年有婦人詣大司馬門寄產吏驅之婦人曰我截齊便去耳言畢不見識者聞而惡

之至二年謀反誅。御覽三百七十。

齊士問爲大司馬。十二月有白頭老人走入司馬府大呼有大兵起。不出甲子旬。卽收都衛考問。竟考死。十三。

元康九年三月。

宋志作正月。

日中有若飛燕者。積數月乃消。漢中平中亦有此變。皆爲太子也。以爲惑懷廢死

之應。宋書志二十四。御覽一百四十八。

鎮南劉弘以故刺史王毅子。衡陽太守矩。爲廣州。矩至長沙。見一人長大。著白布單衣。自

一無自字。上有白字。又一上無白字。

而有自字。

持奏在岸上。矩省奏云。京兆杜靈之。仍入船共語。稱叙稀闊。矩問君京兆人。何時發來。答曰。朝發

矩怪問京兆去此數千。那得朝發。今到。杜答云。僕今在天上。京兆去此乃數萬。何止數千乎。

類聚七十九。御覽八百八

十三

蘇韶字孝先。安平人也。仕至中牟令。咸寧初亡。韶伯父承爲南中郎軍司而亡。諸子迎喪到襄城。韶伯父

第九子節。夢見鹵簿行列甚肅。見韶使呼節曰。卿犯鹵簿罪。應髡刑。節俛受剔。驚覺摸頭。循見頭髮視截

如指大。明暮與人共寢。夢見韶曰。卿髡頭未竟。卽復剃如前夕。其日暮自備甚謹。明燈火設符。刻復夢見

韶髡之如前夕者五節。素美髮五截而盡。

此節亦依見御覽三百七十三。稱王隱晉書。

間六七日。不復夢見。後節在車上。晝日見韶

自外入。乘馬著日黑介幘黃疏。

一作練。又八百十七。引作絹。

單衣白襪絲履。憑節車轅。節謂其兄弟曰。中牟在此。兄弟皆

愕視。無所見。問韶君何由來。韶曰。吾欲改葬。卽求去。曰。當更來。出門不見。數日又來。兄弟遂與韶坐。節曰

若必改葬。別自敕兒。詔曰。吾將爲書。節授筆。詔不肯。曰。死者書與生者異。爲節作其字像。胡書也。乃笑。卽喚節爲書。曰。古昔魏武侯。浮於西河而下中流。顧謂吳起曰。美哉河山之固。此魏國之寶也。吾性愛好京洛。每往來出入。瞻視邙。節一作山上樂乎哉。此萬世之基也。北背孟津洋洋之河。南望天邑濟濟之盛。此志雖未言語。銘之於心矣。不圖奄忽。所懷未果。前去一作至。十月。可一作便。速改葬。在軍司墓次。買數畝地。使自足矣。此節亦略見御覽五百五十四。稱王隱晉書。節與詔語。徒見其口動。亮氣高聲。終不爲傍人所聞。延詔入室。設坐祀之。不肯坐。又無所饗。謂詔曰。中牟平生好酒魚。可少飲。詔手執盃飲盡。曰。佳酒也。節視杯空。旣去。杯酒乃如故。前後三十餘來。兄弟狎翫。節問所疑。詔曰。言天上及地上事。亦不能悉知也。顏淵卜商。今見在。爲修文郎。凡有入人鬼之聖者。今項梁成。賢者吳季子。節問死何如生。詔曰。無異耳。死者虛。生者實。此其異也。節曰。死者何不歸屍骸。詔曰。譬如斷卿一臂以投地。就剝削之。於卿有患不死之去屍骸如此也。節曰。厚葬以美墳壠。死者樂乎此否。詔曰。無在也。節曰。若無在。何故改葬。詔曰。今我誠無所在。但欲述生時意耳。弟曰。兒尙小。嫂少。門戶坎軻。君顧念否。詔曰。我無復情耳。節曰。有壽命否。詔曰。各有。節曰。節等壽命。君知之否。曰。知。語卿也。節曰。今年大疫病。何。詔曰。劉孔才爲太山公。欲反。擅取人以爲徒衆。北帝知孔才如此。今已誅滅矣。節曰。前夢君剪髮。君之鹵簿導誰也。詔曰。濟南王也。卿當死。吾念護卿。故以刑論卿。節曰。能益生人否。詔曰。死者時自發意念生。則吾所益卿也。若此自無情。而生人祭祀以求福。無益也。節曰。前夢見君。豈

實相見否。詔曰：夫生者夢見亡者，亡者見之也。節曰：生時仇怨，復能害之否？詔曰：鬼重殺，不得自從。節下車，詔大笑節短，云似趙麟舒。麟舒短小，是詔婦弟也。詔欲去，節留之，閉門下鎖鑰。詔爲之少住，詔去，節見門故閉，詔已去矣。詔與節別曰：吾今見爲修文郎，守職不暇得來也。節執詔手，手軟弱，握覺之，乃別。自是遂絕。

御覽八百八十三祗稱晉書。廣
記三百十九鬼四明樓王隱晉書。

夏侯愷字萬仁，病亡。愷家宗人兒狗奴素見鬼，見愷數歸，欲取馬及其弟阮公將去。阮逃狗奴家解喻，及冬得止。愷長子統向其家說，昨夢人見縛，與力大爭，爾乃得解。語訖，閣門忽有光明如晝，見愷著平上幘，單衣入坐，如平生。坐西壁大牀，悲笑如生時。聲訖，便切齒作聲言：人易我門戶，誣統藏人袒衫見縛，賴我遣人救之，得解，將數十人。大者在外，小行隨愷。阮牽牀離壁，愷見語阮，何取牀？又說家無主不成居。阮答：何不娶妻？愷曰：卿與其居爾許年，而作此語也。諸兒中當有一人達。阮問誰？愷曰：兒輩意不足悅也。呼見孫兒，云：少者氣弱，勿令近我。又說大女有相，勿輒嫁之。愷問阮，欲見亡女可呼之。阮曰：女亡已久，不願見也。愷曰：數欲見父，而禁限未得見。又說我本未應死，尙有九年官。記室缺，總召十人，不識書不中，皆得出。我書中遂逼留補缺。廣記三百十九。

刑法記

何曾云：在家之女，從父之刑，旣醮之婦，從夫之戮。

書鈔·案晉書刑法志·稱魏法犯大逆者誅及已出之女·母即
儉之誅·其子旬妻荀氏應坐死·其族兄誦曰其命·詔聽離婚·

荀氏所生女芝。爲劉子元妻。亦坐死。荀氏詣何曾乞恩。求沒爲官婢。曾哀之。使主簿程咸上議。云云。作在室之女。從父母之誅。既醮之婦。從夫家之罰。

劉頌上書曰。古者刑以止刑。及今反以刑生刑。以徒生徒。諸重犯亡者。髮過三寸。輒重髡之。此以刑生刑。逃亡加作一歲。此以徒生徒也。亡者積多。繫囚猥蓄。議者因曰。不可不赦。復從而赦之。此謂刑不制罪。法不勝姦。民知法之不勝。相聚而謀爲不軌。故自頃以來。姦惡陵暴。所在充斥。漸以滋蔓。日積不已。弊將所歸。議者不深思此故。而曰肉刑於民。慢聽逆聽。孰與盜賊不禁。聖主之制肉刑。有深重。其事可得而言。非徒懲其畏剝割之痛而不爲也。乃去其爲惡之具。使夫姦民無用。不復肆其志。止姦絕本。理之盡也。亡者刑其足。無所用復亡。盜者截其手。無所用復盜。淫者割其勢。理亦如之。除惡塞源。莫善於此。又非徒然也。此等已刑之後。使各歸家。父母妻子。其相養恤。瘡愈可役。上準古制。隨宜業作。雖以刑殘。不爲虐也。生育繁阜之道。自若也。今宜取死刑之限重。生刑之限輕。及三犯逃亡。淫盜悉以肉刑代之。其三歲刑以下。宜杖罰。又宜制其罰數。使有常限。後刑不復生刑。徒不復生徒。而殘體爲戮。終身作械。民見其痛。畏而不犯。必數倍於今。且爲惡者。隨發被刑。去其爲惡之具。豈與全其爲姦之手足。而戚居必死之窮地同哉。而又曰肉刑不可用。臣竊以爲不識務之甚也。御覽六百四十八。案晉刑法志。稱劉頌爲廷尉。表復肉刑。不見者。又上言云云。

曹彥疑作曹議云。嚴刑以殺犯之者。寡。刑輕易犯。蹈罪者多。臣謂玩常苟免。犯法乃衆。黥刑彰刑。而民甚

恥。且創黥刑。見者知禁。彰罪表惡。亦足以畏。所以易曰。小懲大戒。豈蹈惡者多耶。假使多惡。尙不至死。無

妨產育。苟必行殺。爲惡縱害而已。將至死。無人。天無以大。君無以尊矣。故人寧過不殺。是以爲上。寧寬得罪。若乃于張聽訟。刑以止刑。不可革舊過。此以往肉刑宜復。肉刑於死爲輕。減死五百爲重。重不害生。足以懲姦。輕則知禁。禁民爲非。所謂相濟經常之法。議云不可。或未知之也。御覽六百四十八。

尙書梅陶問光祿大夫祖納。漢文帝故當爲英雄。旣除肉刑。而五六百歲無能復者。納答曰。諸聖制肉刑。而漢文擅除已來。無勝漢文帝者。故不能復。非聖人者無法。何足爲英雄。於是陶不能對。隱曰。征西大將軍曰。夫政未可立。則思制度。全育民命。富國強兵。叛逆之屬。斷肢而已。是好生惡殺。叛逆皆死。是好殺惡生也。斷支若謂之酷。截頭更不謂之虐。何其乖哉。刑罰不中。則民無所措手足也。蠻夷猾夏。則臯陶作土。此欲善其末。則先制其本也。自古多人。猶惜民命。得以禦寇。況今千不遺一。益宜存在。以伐大賊。今若得改之。則歲活數所孕數亦如之。若此千載。生各數萬。斷肢之後。隨刑使役。不失民。不乏用。富國強兵。此之謂也。御覽六百四十八。

王隱晉書卷五

后妃

夏殷以上內職無聞。姬氏之寵。婦官爲盛。前漢列紀十四。世祖受命。又有美人以比職焉。御覽一百四十五。

文明王皇后

文明皇后。王肅女。秉德清貞。體行純和。八歲誦詩論。特精喪服。苟有文義。過目則識。祖司徒朗異之曰。與吾家者。必此女矣。惜不爲男。每居大喪。常身不勝衣。見鍾會見任。言於文帝曰。會好爲事端。寵過必弊。太始元年。尊曰皇太后。宮曰崇禮。晉書作崇化。

自卽尊位。眷戀素業。忽棄華麗。四年薨。御覽一百三十八。

武元楊皇后

楊元后。父炳。唐諱炳。故所修書作文宗。言后相貴。故文帝爲武帝娶之。生惠帝。以上亦見百四十九所引王隱晉書。武帝疑惠帝不堪奉

大統。密以語后。后曰。立嫡以長。不以賢。豈可動乎。

初爲太子謀婚。久不決。上欲娶衛瓘女。后欲娶賈充女。充妻郭。酷妬宿著。上曰。衛公女有五可。賈公女有五不可。衛家女種賢。而多子。端正。而長。白。賈家女種妒。而少子。醜惡。二字一作酷。而短。黑。郭氏必欲使所生女

配太子。既先使人言。又輸寶物於楊后。固啟必成。本當娶后妹午。午年十二。小太子一歲。因見短小未勝衣。更娶南風。南風年十五。大太子二歲。上乃聽之。遂成。納賈后。後亂晉國。此段依初學記十。百四十九引王隱晉書。御覽

武帝采諸葛沖等女五十餘人。入殿呈露面常衣。令后選取。后不取端正。唯取長白。時卞藩女有美色。帝

舉扇鄆面語。后曰。藩女可。后曰。藩三世后族。不宜枉以卑位。賜采女食。皆憂不食。帝使縵障楊后曰。可但

入鄆。其中者以絳紗繫臂。遂取胡芳。芳泣。一作啼。左右止之。曰。陛下聞之。一作聞。芳曰。死且不畏。何畏陛下

帝壯其言。故遂敬之。父奮聞女中選。亦哭曰。老奴不死。唯有二兒。男入九地之下。女上九天之上。帝拜芳

為貴嬪。此段亦見百四十五引王隱晉書。武帝臨軒。拜諸葛婉為夫人。李華為貴人。依御覽百四十四補。又採侍御史齊國左維女

為修儀。有文才。依同上百四十五補。後拜芳夫人。依同上百四十四補。案

元后疾甚。見上素敬胡夫人。恐立之。又慮太子不安。臨終。枕帝膝曰。從妹男胤有德色。不足復娶異姓。帝

許之。崩於光明殿。御覽百三十八稱晉書。案敘事與晉書不合。與王隱似同。因雜探所引王隱書以成篇。蓋係引時脫王隱二字也。

元后臨終有命。先來臨者有賞。胡夫人自排入。徑前辭決。御覽百四十四。

武悼楊皇后

后諱芷。字季蘭。小字男胤。武帝繼室也。太傅楊駿女。咸寧二年。即后位。婉嫵才色。映椒房。寵禮尤隆。后無子。賈庶人為太子妃。時數以肆情忌嫉。失帝意。帝慮始終之事。欲廢焉。后為妃陳請曰。賈公有勳於王府。

猶將數世宥之。況賈妃親則其子，夫妬忌亦婦人之常事，不足以一眚而忘大德。帝納焉。晏駕，尊曰皇太后。賈庶人五日一朝。后既喪，所天常有蹙容。庶人謂不悅在己，愈自嫌。及星辰有變，占於母家不利。殿中典兵中郎孟觀等遂進勸庶人有先唱者有福，後發者受禍。庶人遂陷誅。后父駿三族及內外親屬遷居於永寧宮。賈庶人尋諷百僚奏太后廢爲庶人，母龐付廷尉行刑。詔初宥之，卒不可事。奏太后截髮，稽顙稱妾。原諫疾。請母於賈庶人而龐遂見刑。后不勝憂哀，崩於幽宮。春秋三十有四。諡曰武悼皇后。御覽百三十八稱晉書后妃列傳。案與晉書不同。蓋卽引王隱書。故錄於此。又案此傳亦見於御覽百四十九。作晉后妃別傳。

惠賈皇后

后諱南風。武帝謀太子婚久不決。上欲娶衛瓘女。元后欲娶賈充女。上曰：衛女有五可，賈女有五不可。衛家種賢而多子，端正長白，賈女種妒少子，醜而短黑，郭槐多輸寶物於楊后。既納寶物，固欲娶賈氏。九字依類聚十六引補。遂娶南風。八年將納妃，帝知太子性不慧，又聞衛瓘言，故試之。盡召東宮大小官屬爲作飲食，而密封詔事，使太子決。停信待之。賈妃大懼，請外人作答詔草，給使張泓行還。啟賈妃曰：太子不學，而答詔引義，必致責作草主，更益譴負，不如直以意答。賈妃大喜，語泓便爲我好答，得富貴與汝共之。泓素有小才，具草令太子自寫。武帝大喜，於是賈妃諷旨於外，說張泓孝廉郎才，語領軍舉高第，充遣語妃曰：衛瓘老奴，幾破汝家事，於是賈妃銜之。此段亦見百四十九。依以校補。賈妃酷妒，手斫一作擊數人，或以刀戟擗。音擗孕妾子乃

隨刃墮地上。聞大怒。治金墉城將殺之。一作垂趙粲荀勗深救之。故得不廢。此節亦見百四十九洛陽尉部小吏忽

有好物。尉疑爲盜。召之。賈后疏親欲求盜物。往聽對辭云。先行逢一老嫗。說家有疾。師卜當得城南年少

厭塞。整相煩。尋重報。小吏從之上車。下帷。納著簾箱中。行十餘里。過六七門限。開簾見樓閣好屋。問此何

處。云天上。卽以香湯見浴。好衣美食。將入。見一婦人。年可三十五六。短小青黑色。眉後有疵。見留數日。共

宿。得此衆物。賈氏疏親聞其形狀。知是賈后。慙而去。尉亦解意。云他人多殺之不出。唯此小吏。以愛得出。

賈氏詐有身。內葯物爲產具。遂取妹夫韓壽兒。託之諒闇所生。故弗顯。

趙王倫欲廢賈后。而門鑰在侍中處。所部司馬多木作。有利鋸。至期。倫乃命三部司馬。以鋸截關開門。此

依七百六十三補

齊王罔入宮。稱詔廢賈后。后曰。詔當從我出。此何詔也。此節依五百九十三補

賈庶人臨廢。遙喚帝曰。陛下有婦。使人廢也。當亦自廢。詔賜死。御覽百三十八。世記注引作爲趙王所誅。

謝夫人

初。惠帝晚成。武帝遣才人謝玖給事惠帝。因而一作有娠。臨娶賈妃。遣致一作迎西宮。遂生愍懷。與諸王

子共戲。惠帝來朝。謂諸王子也。執其手。世祖曰。是汝兒也。乃縮手。初學記十。御覽三百七十。

惠帝卽位。立爲皇太子。拜玖爲淑媛。御覽百四十九。

愍懷太子廢爲庶人。考竟太子母淑妃謝玖。及太子所幸保林、蔣俊。及母三弟玖亦被害。同上

明穆庾皇后

明穆皇后庾氏。字文君。琛第二女。生成帝。文選讓中書令表注。

安僖王皇后

安僖皇后王氏。字神愛。原作受。太常王獻之女。新安公主生。卽安帝姑也。孝武帝以后少孤無兄弟。故爲安

帝納爲太子妃。孝武納采。聘太子王氏。當作納采聘於王氏。百官朱服會於新安公主第。祕書監王操之爲主人。初

記十。御覽百四十九。

王隱晉書卷六

王祥

王祥字休徵琅邪人也。書鈔

祥始出仕年過五十矣。三國志注十八

本州呂虔檄爲別駕以股肱之忠糾合義衆州境獲寧時人歌之曰海沂之康實賴王祥邦國不空別駕之功。類聚十九書鈔

祥遷至司隸校尉。三國志注十八

魏高貴鄉公之入學也將崇先典乃命王祥爲三老侍中鄭小同。原誤童爲五更祥南面几杖以師道自居

帝北面乞言祥於是陳明王聖帝之軌君臣政化之要俯以訓帝於是百辟卿士聞其格言莫不砥礪。初學

記十八又二十一御覽五百三十五

遷司空太尉司馬文王初爲晉王司空荀顛要祥盡敬祥不從。三國志注十八

泰始元年晉武踐阼拜祥爲太保封睢陵公。類聚四十八三國志注十八

三年春御史中丞侯史光上言曰祥久以疾病闕廢朝會應免官制曰耆艾元老高行清粹朕所毗倚以

崇道弘化者也。前後遜讓，不從所執。此非有司所得議也。類聚四十八，初學記十一。

秦始皇四年，年八十九，薨。祥弟覽，字玄通，光祿大夫。三國志注十八。

鄭冲

鄭冲字文和，滎陽開封人，有核練之才，清虛寡欲，喜論書史。世說注二。

魏文帝時補陳留太守，鄭冲以儒雅為德，莅職無幹局之譽，簞食緼袍，不營資產。世說注二，引作草食，原世

以此重之。御覽六百九十三。

高貴鄉公時累遷司徒。世說注二。

常道鄉公即位拜太保。同上。

武帝踐阼進太傅。同上。

何曾

何曾字穎考。書鈔。

魏明帝時，何曾上言：郡守之權雖輕，猶御千里，比之於古，列國之君也。類聚上當奉宣國恩，以致惠和。

下當興利除害，得其人則可安，非其人則為患。書鈔。

曾為司隸校尉，撫軍都尉，尹模因校事作威，姦利益積，曾奏劾之，罪甚狼籍。書鈔。

阮籍負才放誕居喪無禮何曾因言於帝晉文帝曰公方以孝治天下而聽阮籍以重哀飲酒食肉於公座宜擯四裔無令汙染華夏帝曰此子羸病若此君不能爲吾忍耶曾重引據辭理甚切帝雖不從時人敬憚之書鈔

母邱儉誅孫女芝爲劉子元妻亦坐死何曾云在家之女從父之刑既醮之婦從夫之戮書鈔

何曾爲司徒與高柔鄭冲二公將見文帝時爲晉王曾在中央獨先拜御覽五百四十二

武帝時以太尉領司徒曰舊宰相之職自古及今總論人倫訓治之本也書鈔

武帝時以太傅領司徒何曾屢上書遜位詔以司徒所掌煩務不可以久勞者艾其進位太宰朝會乘輿

劍履上殿如漢蕭何魏鍾繇故事類聚四十五

何曾適一作豪累世人有小紙爲書者曾敕記室勿報也蒸餅上不作十字不食日饜萬錢一作曾食日猶近萬錢

曰無下箸處御覽四百七十一初學記二十六類聚七十二

何劭曾子

何劭字敬祖書鈔

以本官侍中尚領太子太師初楊駿以世祖每注意於廣陵王通而賈后無子遂立通爲太子欲令親萬

機而年尚小故盛選六傅以劭爲太師通省尚書事書鈔

劭驕奢簡貴。有父風。衣裘服翫。新故巨積。食必盡四方珍異。一日之供。以錢二萬爲限。時論以爲太常宜

大官。御膳無以加之。御覽八百四十八。

嘗語鄉人王銓曰。僕雖名位過幸。少無可書之事。惟與夏侯長容諫授博士。可傳史冊耳。

案銓隱父也。自書白事。此段當

有。故依晉書錄之。

何劭爲司徒薨。養此字疑誤。子岐爲嗣。袁粲弔岐。岐辭以疾。粲獨哭而出曰。今年決下婢子品。王銓謂之曰。

知死弔死。何必見生。岐前多罪。爾時不下。今何公新亡。便下岐品。人謂中正畏強侮弱。粲乃止也。御覽五百六十一。

何遵曾子

遵子何嵩。善史漢。爲著作郎。初學記十二。御覽二百三十四。

石苞

石苞字仲容。御覽八百十三。

苞初爲縣吏。買鐵鄴市。市長沛國趙元儒見苞異之。歎苞當至公輔。便與結交。苞由是知名。書鈔□□。御覽八百

十三

石苞泰始之初拜大司馬。類聚四十七。

石崇

石苞少子崇，字季倫。御覽四百四十二。

季倫少多意智，敏捷有計略。類聚二十一。

苞臨終，預分諸子財物，獨不及崇。其母以爲言，苞曰：「此兒雖小，大自能得財也。」御覽四百四十二。

崇年二十餘，爲修武令，有能名。書鈔

石崇爲陽城太守，討吳有功，封安陽鄉侯。在郡雖有職務，好學不倦，以疾自解。書鈔

元康初，楊駿輔政，封賞過度。石崇與散騎常侍蜀郡何攀共爲駁議，以爲陛下聖德光被，皇靈啟祚，正位

宣化，萬國歸心。今承洪基，此乃天授。至於班爵行賞，過於太始。御覽百九十八。

崇爲荊州刺史，劫奪殺人，以致巨富。世說注八。

石崇、潘岳與賈謐相友善，及謐廢，懼終見危，與淮南王謀誅倫。事泄，收崇及親期以上皆斬之。崇家河北

收者至，曰：「吾不過流徙交廣耳。」及車載東市，始嘆曰：「奴輩利吾家之財，收崇人曰：知財爲害，何不早散。崇

不能答。」世說注八。

石崇百道營生，積財如山。初學記十八。

崇雖有人才，而性粗強，貪而好利，富擬王者。有司簿閱崇田宅、財物及水碓，有二千餘區，倉頭八百人。他

珍寶奇異，不可勝數。御覽四百七十一。

歐陽建

歐陽建字堅石。渤海人。石崇甥也。爲馮翊太守。趙王倫之爲征西。撓亂關中。建每匡正不從。私欲迎楚王偉立之。由是有隙。石崇勸淮南王使誅倫。未行事。覺。倫收崇、建及母妻。無少長皆斬。文選臨終詩六臣張詵注。

孫鑠

東宮坊有醉相殺者。中丞奏郎當作都。官從事孫鑠。杖一百。鑠奏東宮是行馬內。而推行馬外。官爲違法。令

詔中丞令史各一百。類聚六十二。

羊祜

羊祜字叔子。書鈔

祜同產姊配景帝。爲弘訓太后。文選讓開府表注。

祜爲黃門郎。陳留王立。以少帝不願爲侍臣。徙爲祕書監。御覽二百三十三。

太祖引祜爲從事中郎。遷領軍事兼內外。文選讓開府表注。

祜遷中領軍。悉統宿衛入直殿中。執兵之要事。監兼內外。書鈔

武帝受禪。進中軍。加常侍。祜以大事既定。辭不復入。同上

太始五年。出爲都督荊州諸軍事。文選讓開府表注。

太始八年詔使持節都督荊州諸軍衛尉將軍羊祜歷位文武有佐命之勳其以祜爲車騎開府如三司之儀。書鈔

上以羊祜爲開府儀同讓表曰吾不能取異於屠釣拔奇於版築豈不愧知人之難哉。此節依文選王文憲集序注引補今

光祿李喜秉節高亮在公正色光祿魯芝潔身寡欲和而不同光祿李胤清亮簡素正身在朝皆服事華

髮以禮終始雖歷外內之寵不異寒賤之家而猶未蒙此選臣更越之何以塞天下之望。御覽四百二十四

祜爲征南大將軍開府辟召儀同三司乃進據險要開建五城收膏腴之地奪吳人之資於是江浦馳義

也。書鈔案據險開城係因步闌之役貶爲平南將軍後事當在太始九年而爲征南大將軍在咸寧二年

祜招攜以禮懷遠以德吳人悅服稱爲羊公。類聚五十

陸抗與羊祜推僑札之好抗嘗遺祜酒祜飲之不疑抗有疾祜饋之藥抗亦推心飲之。御覽九百八十四

羊祜表伐吳曰勁弩長弓不如中國長矛楯戟不如中國馬騎凌厲又不如中國吳唯便水戰一入其地

則長江非復吳有。御覽三百三十九

又封南城郡侯祜曰昔張良請受留侯漢高不奪其志請受鉅平。御覽四百二十四

薨遺令不得以南城侯入柩。御覽四百二十四

詔祜曰固讓歷年志不可奪身沒讓存遺言益厲此夷叔所以稱賢季札所以全節重違其志令聽復本

封御覽四百二十四

杜預

杜預字元凱京兆人漢御史大夫延年十一世孫祖畿魏太保父恕幽州荊州刺史預智謀淵博明於治

亂常稱立德者非所企及立功立言所庶幾也世說注三

預以婚親之恩尙文帝妹擢拜尙書郎書鈔

累遷河南尹世說注三

杜預改建河橋於富平津衆論以爲殷周所都經聖賢而不作者必不可作故也預曰昔造舟爲梁則河

橋之謂也遂作橋成上從百官臨會舉杯勸杜預曰非君此橋不立預答詔曰非陛下之明臣亦不獲奉

成聖制也衆咸稱善初學記七類聚九御覽七十三

杜預在內七年損益萬機不可勝數朝野稱美號曰杜武庫言無所不有也御覽四百四十五

杜預爲鎮南大將軍都督荊州諸軍事給追鋒車第二駟馬御府人馬錢三十萬鎮襄陽書鈔說注三世

杜預伐吳軍至都督孫歆帳下生將歆詣預王濬先列得歆頭而預生送歆洛中大笑御覽三百九十一

以平吳勳封當陽侯荊州刺史食邑八千三國志注十六正義二

杜預初伐吳吳人知預病瘵每見大樹似瘵者輒以刀斬破白題曰杜預頸御覽三百六十九

預又修邵信臣遺迹浸田公私同利人號杜父舊水道惟沿漢達江陵千數百里君乃開陽口起夏口水道洪洞達巴陵經千餘里內瀉長江之險外通零桂之漕南土美而謠之曰後世無叛由杜翁孰識一作多

智名與勇功類聚御覽四百六十五郭茂倩樂府詩集八十七

預無技藝之能身不跨馬射不穿札而每有一一作任大事輒在將帥之列一作限謀而鮮過惠訓不倦世說注三書鈔

杜預大觀羣典謂公羊穀梁詭辨之言又非先儒說左氏未究邱明之意而橫以二傳亂之乃錯綜微言

著春秋左氏經傳集解又參考衆家謂一作爲之釋例又作盟會圖春秋長麻備成一家之學至老乃成祕

書監一作尙書郎摯虞甚重二字一作賞之曰左邱明本爲春秋作傳而傳遂自孤行釋例本爲傳設而多所發明

何但左傳故亦孤行也三國志注十六御覽六百十正義二

時王濟解相馬又甚愛之而和嶠頗聚斂預常稱濟有馬癖嶠有錢癖武帝聞之謂預曰卿有何癖對曰

臣有左傳癖御覽四百四十五

卒贈征南將軍儀同三司世說注三

杜預薨遺令曰吾往爲公使過密縣邢山之上有家問耕者云是鄭大夫祭仲或云子產之冢也遂帥從者登而觀焉其造家居山之領四望周達連山體南北之正而邪東北向新鄭城意不忘本也藏無珍寶不取於重深君子尙其儉小人無利可動歷千載無毀儉之制也制或作致吾去春入朝自營洛陽城東首

陽之南。為將來兆域。而所得地中。有小山。上無舊冢。其高顯雖未足比邢山。然東奉二陵。西瞻宮闕。南觀伊洛。北望夷叔。曠然遠覽。情之所安也。故遂表樹開道。為一定之制。取法於鄭大夫。欲以儉自完耳。棺器小斂之事。皆當稱此。御覽五百五十四。

杜錫預子

杜錫字世猷。書鈔

錫為太子中舍人。性亮直忠烈。屢諫。愍懷太子。同上

太子後取鍼。著錫常坐處。氈中。錫上牀。刺足血流。御覽八百三十。

補吏部郎。不敢用鄉親一人。書鈔

仍遷尚書左丞。三國志注十六。

陳騫

陳騫字休淵。為晉佐命功臣。至太傅。封高平郡公。三國志注二十二稱晉書。不知何家姑錄於此。案新晉書脫其字。

裴秀

裴秀字季彥。初學記十一。

叔父徽有聲名。賓客詣徽出。則過秀。秀纔年十餘歲。一作歲時人謠曰。後進領袖有裴秀。類聚四百六十五。御覽

初武帝未爲世子。文帝問裴秀曰：人有相否？秀曰：中撫軍垂髮至地，伸手過膝，人望旣茂，天表如此，非人臣之相也。類聚十六·御覽三百七十三

裴秀爲司空，刪定官制，損益多當，皆其所裁，禮無違者。書鈔

秀爲司空，作禹貢地域圖，事成奏上，藏於祕府，爲時名公。初學記十一

裴楷

吏部郎缺，文帝問其人於鍾會，會曰：裴楷清通，王戎簡要，皆其選也。御覽四百四十五

裴楷風神高邁，容儀俊爽，博涉羣書，特精理義，時人謂之玉人。又稱見裴叔則如近玉山，映照於人也。

同上

裴楷嘗目夏侯玄云：肅肅如入宗廟中，但見禮樂器。鍾會如觀武庫，森迫見矛戟在前，傅嘏、汪翔、靡所不見，山濤若登山臨下，幽然深遠。御覽四百四十五

裴憲

裴憲字景思，陳郡謝鯤，潁川陳斂，皆儁朗士也。見而奇之，相謂曰：裴憲鯁亮弘達，通機識命，不知其何以如父然。至於深弘保素，不以世物嬰心者，其殆過之。御覽四百四十五

裴邈

裴邈字景遠。東海王越以爲參軍。委以機密。書鈔

衛瓘

衛瓘字伯玉。書鈔

瓘行鎮西將軍。監司鄧艾。鍾會。諸軍事。綏納新舊。包合同異。華陽卽叙。書鈔

衛瓘監軍。護軍。鍾會與瓘至厚。坐則同牀。行則同輿。會書板上。欲殺胡烈等。示瓘。瓘言不可。會自削棄。反

問瓘何許聞消息。相疑益露。瓘廁上見烈。故給使。令出語三軍。會逼瓘不能議定。經宿不眠。各橫刀膝上。

御覽三百四十五。

衛瓘拜尙書令。加侍中。性嚴整。以法御下。視尙書若參佐。尙書郎若掾屬。書鈔

瓘爲太保。領太子少傅。加千兵百騎。鼓吹之府。書鈔

衛瓘爲太子少傅。詔賜園田水碓。不受。御覽七百六十二。

衛瓘以九品權時之制。宜復鄉舉里選。上言曰。崇賢舉善。而教用彰。文選爲宋公求加贈劉前軍表注。

衛恆

恆爲四體書勢云云。章誕以能書留補侍中。魏氏寶器銘題。皆誕書也。類聚四十八。

衛玠

恆子

衛玠妻父樂廣有海內重名議者以爲婦公冰清女壻玉潤御覽四百四十五

張華

張華字茂先范陽人也世說注

阮籍見張華鷓鴣賦以爲王佐之才也中書郎成公綏亦推華文義勝己也初學記二十一類聚五十六

張華爲黃門侍郎博覽圖籍四海之內若指諸掌世祖問華長安千門萬戶畫地成圖初學記十二類聚四十八御覽六百

十二

華爲中書令加散騎常侍書鈔

華爲中書監永平元年詔曰華體量清粹才識經濟前任中書有思謀之勤機密之要宜得其才以華爲

中書監加侍中書鈔

元康元年永平元年三月誅楊駿後改詔曰中書監張華歷代腹心朕所憑賴酬其勳績使儀同三司給親信滿百人

書鈔

惠帝元年詔曰中書監光祿大夫張華虛冲挹損難爲高尚其以華爲光祿大夫儀同三司同上

華以建策加華右光祿大夫開府儀同三司固辭不受府詔聽乃更論平吳之功封華郡公後封壯武郡

公也當作邑三千戶主者擇近郡平上詳依典制施行華讓前後十餘辭義懇誠詔不聽遂受封御覽二百

累遷司空。世說注

華少子。驍仰占云。中台拆內懼。勸華遂遜位。華言。余惟修德以應之耳。開元占經六十七。

為趙王倫所害。世說注

張華察牛斗間有紫氣。云乃豐城之劍氣也。御覽十五。

安平獻王孚

安平獻王孚字叔達。宣帝次弟也。文選齊竟陵文宣王行狀注。

世祖受禪。封安平王。四字依文選行狀注補。為太宰。類聚四十五。

四年。正會上見太宰。身執子孫之禮。輿車上殿。上於阼階下迎拜。書鈔引作帝迎拜安平獻王於殿前。王既坐。上又親奉上

壽。孚雖見尊寵。而常有戚容。類聚四十五。

薨。諡曰獻。詔喪事。一依漢東平獻王蒼故事。文選齊竟陵文宣王行狀注。

獻王一門三世。同時十人。封王二人。世子。王九子。邕。世子。早卒。望。義陽成王。輔。太原成王。翼。早卒。世子。晃。下邳獻王。璩。太原烈王。珪。高陽元王。衡。常山孝王。景。

沛順王。望子河間平王洪。隨穆王。整。竟陵王。琳。初封東平。後改。

父位極人臣。子孫咸居大官。出則旌旗節鉞。入則貂蟬袞冕。自公族之寵。未始有也。類聚四十五。

下邳獻王晃

下邳獻王晃字子明，孝友恭順，甚得名稱。書鈔

下邳王晃起家爲長水校尉，給千人營，置長史司馬。御覽二百四十二·書鈔引此作王晃·一作允傳·又作屯騎校尉·

東安王繇瑗邪王
佃子·

東安王繇，美鬚髯，性剛毅，有威望，博學多才，事親孝，居喪盡禮。誅楊駿之際，繇屯雲龍門，兼統諸軍。書鈔

扶風武王駿

扶風武王駿，少好學，能著文論。書鈔

梁孝王彤

梁孝王彤，宣帝之子。御覽六百
九十一·

梁王彤爲驃騎將軍，置左右長史司馬，高選佐史。一作參也·書鈔

拜爲大將軍，督梁、雍諸軍，領西戎校尉。同上屯好時，督建威將軍周處、振威將軍盧播等，伐氏、賊、齊、萬年

於六陌，彤與處有隙，促令進軍，而絕其後，播又不救之，故處見害。朝廷尤之，尋徵拜大將軍，尙書令，領軍

將軍，錄尙書事。彤嘗大會，謂參軍王銓曰：「我從兄爲尙書令，不能啖大櫛，大櫛故難。」銓曰：「公在此獨嚼尙

難矣。」彤曰：「長史大櫛爲誰？」曰：「盧播是也。」彤曰：「是家吏隱之耳。」銓曰：「天下咸是家吏，便恐王法不可復行。」彤

又曰：「我在長安，作何等不善？」因指單衣補幘，以爲清。銓答曰：「朝野望公舉薦賢才，使不仁者遠，而位居公

輔以衣補幟。以此為清。無足稱也。彤有慙色。銓王隱父也。自記自事。當有此節。故依新晉書錄之。

彤將書鈔引單衣補車幟。以為清。參軍王詮該作曰。晏嬰大官。稱清者。以為御食七百家也。公無此費。宜

美衣服。使內外相稱。御覽六百九十一。案此數句。唐修晉書時刪去。

齊獻王攸文帝子

齊王攸字大猷。少以英奇見稱。長好經書。雅性嚴恭。書鈔

始除步兵校尉時。年十八。初授戎任職。虔恭法憲。綏禦有方。同上

詔議。藩王令自選國內長史。攸奏。諸選宜由天臺。書三上不報。書鈔

齊王攸國中文武下至士卒。法令不食廩賜者。皆以秩賦與疾病死亡者。時有水旱。出租稅加十二賦。以

賑國人。須豐年乃收入本直。初學記好辟名士。降身虛己。待物以信。書鈔

太康三年。詔攸當出統方岳。遂撫其國家。加都督青州。增封濟南郡。備物典策。軒懸之樂。六佾之舞。賜金

鉞。朝車乘輿之副。類聚四十五

齊王攸好學不倦。借人書皆為治護。時以還之。御覽六百十九

齊王攸子蕤。耽酒色。侈其府第。書鈔

王沉

王沉字處道。書鈔

王沉為祕書監。著魏書。多為時諱。而善序事。御覽二百三十三。

沉為豫州刺史。乃下教曰。若能舉遺逸。黜奸佞。陳長吏可否。皆給穀五百斛。別駕主簿奉行。九郡施行。

書鈔

王浚沉子

王浚都督幽州諸軍事。成都王使和演發兵殺浚。單于以演謀告浚。州府逼近。銜枚密嚴。夜與單于園演。

演持白幡請降。御覽三百五十七。

棗嵩用事於王浚。時語曰。十囊五囊入棗郎。御覽七百四。

王浚在幽州。謠曰。幽州城門使。或作似。藏戶中有伏屍。王彭祖。同上五百四十九。

王浚在幽州。有狐踞浚府門中。翟雄當作雄入廳事。遂為石勒所殺。同上八百八十五。

荀顛

荀顛字景倩。書鈔

文帝時輔政。顛外甥陳泰薨。敢顛代泰。顛代陳泰為僕射。領吏部。四辭而後受。上三句依初學記十一引補。顛承泰後。加

之淑慎。綜核名實。風俗澄正。書鈔

荀顛議少傳當稱臣。準古不拜。書鈔

荀粲

荀粲與傅嘏善。夏侯玄亦親。常調嘏。玄曰。子等在世業間功名。玄必勝我。識滅我耳。嘏難曰。能成功名者。識也。天下孰有本不足而末有餘者。粲曰。功名局之所獎。然則志自一物耳。固非識之所獨濟。一作齊下同。我以能役子等為貴。未能濟子所為也。文選廬陵王墓下作注。

荀勖

荀勖字公曾。文選王文憲集序注。

勖拜中書監。加典著作。與賈充共定律令。班下施用。各加祿賜。書鈔。聚五十四。類

荀勖以魏杜夔所製律呂檢校。定太樂總章鼓吹。八音與律呂乖錯。始知後漢至魏。度漸長於古尺四分餘。而夔依為律呂。故致不韻。部佐著作劉恭。依周禮制尺。所謂古尺也。依古尺作新律呂。以調聲韻。以律量黍。以尺度古器。皆與本銘尺寸無差。又故冢得古玉律。鍾聲亦與新律闔合。遂班下太常。使太樂總章鼓吹。清商施用。勖遂典知樂事。御覽十卷六。

初。荀勖逢趙郡商賈於路。懸鐸於牛。識其音焉。及後為樂。勖曰。得趙之牛鐸。則善諧矣。於是下郡悉送。果有諧者。世伏其才明。領祕書監。與中書令張華。依劉向別錄。整理錯亂。文選王文憲集序注。又立書博士。始書師鍾胡。原誤

·朗法。太康二年。又得汲冢中古文竹書。勛自撰次注寫。以爲中經。別在祕書。以較經傳闕文。多所證明。覽御

七百四十九。文選王文憲集序注。

時議省州郡縣半吏。荀勛議曰。省吏不如省官。省官不如省事。省事不如清心。又云。君子心兢而不力爭。文選頭陀寺碑文注。

勛爲光祿大夫。儀同三司。開辟時諸州郡大水。堯土尤甚。勛陳宜立都水使者。其後門下啟通事令史伊

羨。趙咸。爲舍人。對掌文法。詔以問勛。勛曰。增置文法之職。適恐便耗擾蠹。當作閣臣竊謂不可。書鈔

惠帝爲太子時。上素知太子闇弱。後必亂國。然不能擇才。乃遣荀勛和嶠往觀之。勛還。盛稱太子德更進

茂。不同西宮之時也。嶠答詔稱。臣以爲。太子如故。不見更勝。此自陛下家事。非臣所盡知也。於是天下貴

嶠而賤勛也。御覽一百四十八。

上聞賈妃酷妬。戟擿諸孕子者。皆墮。已治金墉外城。當廢之。趙粲救於內。荀勛請於外。故不廢焉。同上三百五十二。

勛性佞媚。譽太子。出齊王。當時私議。損國害民。孫資劉放之匹也。後世若有良史。當著佞倖傳。世說注二。

馮統子馮熊字文熊。文選謝平原內史表注。

賈充

賈充爲太尉。錄尙書。五年。伐吳。爲大都督。吳平。上遣侍中程咸犒勞。增邑八十戶。類聚四十八。

賈充妻郭產子黎民三歲乳母抱向閣充入黎民喜踊充就乳母手中鳴一作戲之郭遙望見疑充卽鞭乳母殺之兒思乳母而死郭又生一男四歲乳母抱在中庭充過拈兒頰郭又疑之復鞭殺乳母兒又死充

遂無嗣類聚三十五·御覽五百二十一

初充旣與李絕婚更取陽城太守郭配女名槐李禁錮解詔充置左右夫人充母柳亦敕充迎李槐怒攘臂責充曰刊定律令爲佐命之功我有其分李那得與我竝充乃架屋永喜里中以安李槐晚乃知充出輒使人尋充詔置左右夫人充答詔以謙讓不敢當盛禮世說注六

賈謐

賈謐字長淵文選陸機答賈長淵注唐諱淵故修書作深

元康末起爲祕書監兼掌國史事書鈔

謐以賈后之妹子數入宮與愍懷處文選答賈長淵注

楊駿

楊駿以后父超居重位自鎮軍將軍封臨晉侯識者議之曰夫建諸侯所以藩屏王室也后妃所以供養盛弘內教也后父始封而以臨晉爲侯兆於亂也御覽一百九十九

武帝疾病未有顧命佐命功臣皆已沒矣朝廷惶惑計無所從而駿盡斥羣公親侍左右因輒改易公卿

樹其心腹。會帝小間。見所用者非。乃正色謂駿曰。何得便爾。乃詔中書。以汝南王亮與駿夾輔王室。駿恐失權寵。從中書借詔觀之。得便藏匿。中書監華廙恐懼。自往索之。終不肯與。信宿之間。上疾遂篤。御覽五百九十三。初孫登。楊駿逼迎之。與語不答。賜布袍。登借刀截斷。棄門中。大呼云。刺斫刺斫。卒病死。後人見在貴馬坂。御覽五十三。

魏舒

魏舒字陽元。任城人。幼孤。爲外家甯氏所養。甯氏起宅。相者曰。當出貴外甥。外祖母意以盛事。新書作魏氏。甥

小而惠。謂應相也。舒曰。當爲外氏成此宅相。舒容貌朴實。少名。遲鈍。人莫之知。唯叔父衡知其奇。每有賓

客。已常勸使過舒。言吾兄子。非常人也。此節原引無少名遲鈍四字。依御覽四百四十二補。使守水碓。每言舒堪八百戶長。我願畢矣。

舒不以介意。身長八尺二寸。不修常人近事。少工射。著韋衣入山澤。每獵大獲。世說注四。

魏舒爲尙書郎。時欲沙汰郎官。非其才者罷之。舒曰。吾卽其人也。襆被而出。同寮素無清論者。咸有愧色。

談者莫不稱其高也。書鈔

爲後將軍鍾毓長史。毓與參佐射戲。舒常爲坐畫籌。後值朋人少。以舒充數。於是發無不中。加博措閑雅。

殆盡其妙。毓嘆謝之曰。吾之不足盡卿。有如此射矣。世說注四。

轉相國參軍。晉王特加器敬。每朝罷。坐而目送之曰。魏舒堂堂。實曰人之領袖也。世說注四。文選齊故陸昭王碑文注。

魏舒爲冀州刺史。代山濤爲侍中。爲尙書。三娶妻皆亡。是歲自表求還本郡葬妻。上曰：舒當左右朝政。不宜遠還鄉里。舒素清貧。不營財產。頓舉衆喪。必無以自供。其賜葬地一頃。錢五十萬。御覽四百二十五。又五百五十四。

山濤薨。以舒領司徒。有頃卽真。舒居位簡亮持重。爲任職臣。書鈔

舒爲司徒。祿賜散之九族。家無餘財。同上

陳留周震累爲諸王所辟。旣下車。公輒喪亡。僉號震曰殺公掾。莫有辟者。司徒魏舒因固辟之。果無患。時以達命歸之。同上

魏舒兼總十六州中正。同上

魏舒爲司徒。年過致仕。有謙謙之意。而無居宅。乃漸以俸秩餘爲第一所。未曾語親疏。當遜位。九年正月。朝會罷。還還家。奉送章綬。內外莫有知舒此情者。類聚四十七。

司徒魏舒遜位。司空衛瓘與書曰：每與足下共論此事。日日未果。可謂瞻之在前。忽然在後。於時皆有欲遜位者。或先顯此意不能行。或以歸家。申喻復還。唯舒知命。內定於懷。未嘗形之於言。論者以爲晉興以來。能辭榮令終。未有如舒者焉。御覽四百二十四。

劉寔

劉寔字子真。平原人。少貧苦。糠飯繩索。作牛衣賣。手繩口誦。御覽八百二十八。

劉寔爲伐蜀人作爭功文書得千疋絹。御覽八百十七

實性冰清每還州里鄉人載酒肉以候之寔難逆其意輒共啖而返其餘。類函摘書鈔

愍懷初原諫孝懷帝以劉寔爲師進爲侯。四字原諫作特進開府加太子太保。書鈔

寔加侍中特進右光祿大夫開府儀同三司領冀州都督。同上

劉寔拜太尉不治產業居無第宅祿賜皆給付親舊家無餘財。書鈔

王渾子濟

王渾字玄冲。御覽四百七十五

平吳後督揚州諸軍處斷明允。四字或作處兩川吳人新附皆有畏懼之心渾撫循羈旅勞謙接納坐無空席門不

停賓於是江東諸士莫不敬愛。御覽四百七十五書鈔

王濟爲國子祭酒。文選傅咸贈何劭王濟注

王濬

王濬伐吳吳人於江險要害之地作鐵錐長丈餘暗置江中濬乃作大筏先行鐵錐輒著筏去。御覽七百六十四

太康中伐吳還拜王濬爲輔國將軍。此句依二百三十九補欲以濬爲五官校尉而無缺始置翊軍校尉拜同長水步

兵以梁益所省兵爲營。御覽二百四十二

唐彬

唐彬檄爲治中別駕。忠肅公亮。匡救違闕。盡規誨以納善。不顯諫以彰主。當朝正色焉。御覽二百六十三。

唐彬補鄴令。道德齊禮。期月化成。書鈔。

山濤

山濤字巨源。河內人。年四十始爲州郡部河南從事。御覽二百六十五。

山濤爲吏部郎。文帝與書曰。足下在事清明。潔操邁時。念多所乏。今致錢二十萬。絲百觔。穀二百斛。類聚四十八。

山濤轉爲冀州刺史。冀州舊名剋俗。略無人士。二句依御覽二百五十六補。

自濤居州。甄拔隱屈。搜求賢才。旌命所加三十餘人。皆顯名當世。冀州之士。於是爲盛。類聚五十。

山濤爲冀州刺史。裴君秀與濤書曰。處方伯之任。殊亦爲高。但論道之士。不宜處外耳。類聚。

濤爲北中郎將。守鄴。御覽二百四十一。

山濤爲太常。遭母喪。歸鄉里。濤雖年老。居喪過禮。手植松柏。上亦略見事類賦松注。御覽九百五十三。詔曰。今風俗陵遲。豈宜鎮

以退讓。山太常雖在諒陰。古人亦墨經從戎。其以濤爲吏部尙書。濤用人皆先密啟。然後公奏。類聚四十八。

咸寧初。濤轉爲太子少傅。詔曰。濤秉德冲素。心思潛通。清虛履道。有古人之風。雖使輔導東宮。宜兼督朝

事書鈔

山濤轉少傅表疾求退手詔不聽尋講武於宣武場帝命乘輦導入同上

太康元年詔依舊制置左僕射以山濤清虛恬簡轉為僕射類聚四十八

武帝以山濤為司徒頻讓不許濤出徑歸家左丞白襲奏濤違詔詔杖褻五十類聚四十七案為司徒當是領吏部之誤

濤不得已領吏部山濤為吏部前後所選周遍百官舉無失才凡所題目皆終如其言稱山公啟事唯詔

用陸亮濤畢力爭之不得亮尋以賄敗書鈔

初濤領吏部潘岳內非之密為作謠曰閣中一作東有大牛王濟鞅裴楷鞞和嶠踟躕一作刺不敢一作休

世說注二御覽七百七十六

濤以年衰疾篤上疏告退云云君臣父子其間無文武帝詔山濤曰勿復為虛飾也文選為齊明帝讓宣城郡公表注

山濤以左僕射為司徒詔曰濤道高德茂器宇淵濟宜贊三事以敷五教也書鈔

妻韓氏有才識濤未仕時戲之曰忍饑寒我當作三公不知卿堪作夫人不耳世說注二

王戎

王戎字濬沖類聚四十七

戎少清明幾悟世說注四

王戎隨父渾與太原王渾同名在郎舍時阮籍亦為郎每詣渾輒云與卿語不如阿戎戎時年十五籍乃交焉御覽四百

十

王戎名位清貴二十四為吏部郎類聚四十八

王戎為荊州刺史坐遣吏修園宅應免官詔以贖論御覽八百二十四

惠帝元康元年詔曰尚書僕射光祿大夫王戎清虛履道謀猷沖遠敷歷外任宣力四方入掌機衡文才

允敍將澄清風俗顯一羣望宜崇其職乃可贊成王化以光祿大夫開府儀同三司書鈔

王戎為左僕射領吏部尚書自戎居選未嘗進一寒素退一虛名理一冤枉殺一疽嫉隨其沈浮門調戶

選初學記十一

戎代王渾即太原王渾為司徒高選長史西曹掾委任責成常得無為形狀短陋而目明澈威儀不足常乘馬

輿無日不出類聚四十七

戎好營一作治生廣收八方園田水碓周徧天下聚斂積實不知紀極初學記十一

翁媪二人常以象牙籌晝夜算計家資遠及田牧類聚四十七初學記十一

戎性又至儉不能自奉養欲飲食取通財不外出天下人謂為膏肓之疾類聚四十七世說注八

戎子綏欲娶裴遁女綏既蚤亡戎過傷痛不許人求之遂至老無敢娶者世說注八

王衍

王衍字夷甫。戎叔父也。御覽八百二十四。

王衍不治經史。唯以莊老虛談惑衆。文選晉紀總論注。

以名門超爲太子舍人。書鈔

終於平北將軍。家故甚豐。親故借衍車馬帷帳器物者。衍因與不復錄資財。盡出洛城西先人舊園田土。御覽八百二十四。

夷甫求富貴得富貴。資財山積。用不能消。安須問錢乎。而世以不問爲高。不亦惑乎。世說注五。

王澄

澄通朗好人。倫情無所繫。世說注四。

王澄在荊州。率衆軍次江陵之東。堂皇北救國難。飄風折其節。後爲王敦所殺。御覽八百七十六。

樂廣

樂廣字彥輔。御覽二百五十二。

尚書令衛瓘有名理。及與何晏、鄧颺等數共談講。見廣奇之。曰：常恐微言將絕。今復聞之。令諸子造焉。謂曰：此人之水鏡也。每見此人。則瑩然猶廓雲霧而覩青天也。世說注四。初學記二又十一。

樂廣爲河南尹。類聚五

樂廣任誠保直莫見其際。文選爲宋公求加贈前將軍表注。

河南尹故郡中廳前多怪。後人皆於廊下郵傳中治事。無敢數在廳事者。唯廣處之。上亦見類聚五十略。嘗外戶自

閉。二子凱模等懾怖。廣使掘牆孔得狸。乃絕。代者乃相承入止。御覽二百五十二。

樂廣爲尙書令。所在無當時之功譽。然爲後人所思。類聚四十。

鄭袤

鄭袤字林叔。文選新亭渚別范零陵注。

爲中郎散騎常侍。同上。

會廣平太守缺。宣帝謂袤曰。賢叔大匠渾。垂稱於陽平。魏郡竝蒙惠化。且盧子家。王子雍。繼踵此郡。吾欲

使郡世不乏賢。故復相屈。袤在郡先以德化。善爲條教。百姓愛之。文選新亭渚別范零陵詩注。御覽二百六十二。

太始七年。以鄭袤爲司馬。新晉書作司空。天子臨軒。遣使就第拜授袤。袤推讓。遣息稱疾。上送印綬。至於十數。久

之見許。以候就第。拜儀同三司。置舍人官騎。賜牀帳簾褥錢五十萬。類聚四十七。御覽二百四十三。

鄭默

鄭默字思玄。初學記十二。

爲祕書郎。刪省舊文。除其浮穢。著魏中經簿。陳留虞松爲中書令。謂默曰。而今而後。朱紫別矣。初學記十二

百三十

鄭默爲東郡太守。值歲荒。民饑。默輒開倉賑給。自上待罪。朝廷嘉默憂國恤人。詔書褒勸。比之汲黯。御覽二百

六十

默爲散騎常侍。世祖出祀南郊。侍中已陪乘。詔曰。使鄭常侍參乘。謂默曰。卿知何以得參乘。昔州內舉卿

十二郡中正。舉以相輩。常愧有累。清談。類聚四十八。初學記十二。

默轉光祿勳卒。書鈔

初。后父楊駿欲以女妻鄭默子預。默忌其太盛。拒而不婚。御覽五百四十一。

默寬中博愛。謙虛溫謹。不以才地矜物。事上以禮。遇下以和。雖僮豎厮養之人。皆遇之以恩。書鈔

李胤

李胤字宣伯。遼東人也。上亦見文選。讓開封府表注。祖父敏。漢末河內太守。爲賊公孫度所迫逐。浮海不知所終。其子追

索歷年。無所見。比居與父同年者亡。制服行喪。燕國徐邈與之同州里。勸令娉婦。一孕生胤。遂絕房內。常

如居喪重之。不堪其憂。數年而卒。胤母更適。牽招胤不識父。母又改行。有識之後。降居哀感。亦如遭喪之

禮。以祖不知存亡。設木主以事之。由是發名。御覽四百十二。又五百二十一。胤字原作徹。

原
书
缺
页

原
书
缺
页

太康五年龍見武庫井中車駕親幸有喜色內外咸議曰當賀劉毅獨表舊典無賀龍之禮詔報政德未

修慶賀之事宜詳依舊典御覽五百四十三

毅為司隸校尉言議切直無所回撓故不至公輔御覽四百二十八

年七十告老以光祿大夫致仕門施行馬賜錢百三十萬同上二百四十三

和嶠

庚顛當作見和嶠曰森森如千丈松雖礫硠多節目宜施之大厦梁棟之用御覽九百五十三

惠帝為太子時上素知太子闇弱後必亂國然不能擇才乃遣荀勗和嶠往觀之勗還盛稱太子德更進

茂不同西宮之時也嶠答詔稱臣以為太子如故不見更勝此自陛下家事非臣所盡知也於是天下貴

嶠而賤勗也御覽一百四十八

劉頌

劉頌字子雅文選晉紀總論注

劉頌為河內太守有公主水碓三十餘區所在邊塞輒為侵害頌表上封諸碓民自便宜御覽七百六十二

頌轉吏部尚書為九班之制裴頠有所駁竟不行文選晉紀總論注

李重

重遷中書侍郎。每大事及疑議，輒參以經典處決。多皆施行。

書鈔

重遷尚書吏部郎，詢朝衆而抑爭競，任公平而塞私謁。一作務抑華競。不通私謁。與新書同。時留心隱逸，由是羣才罔不畢

舉。海內莫不歸心。同上

時燕國中正劉沉舉霍原爲寒素，司徒府不從。李重奏曰：「沉爲中正，親執銓衡，陳原絕迹窮山，韞積道藝，

文選王康瑀反招隱詩注。

李重爲吏部郎，啟云：「魏氏宗室屈滯，每聖恩所存，太常博士曹嘉之才幹學義不及志，翁而良素修潔，性業踰之。又已歷二郡，臣以爲優先代之後，可以嘉爲員外散騎侍郎。」三國志注二一書鈔。

李秉

重父新書無傳。名見重傳。以唐諱作景。御覽引作康。形誤。

李秉字元冑，緒子，有雋才。爲時人所貴，官至秦州刺史。秉常答司馬文王問，因以爲家誡曰：「昔侍坐於先帝時，有三長史俱見。」一作免。臨辭出，上曰：「爲官長當清、當慎、當勤，修此三者，何患不治乎？」竝受詔。既出，上顧

謂吾等曰：「相誠敕正當爾，不侍坐，衆賢莫不贊善。」上又問：「必不得已，於斯三者何先？」或對曰：「清固爲本，次

復問吾對曰：「清慎之道，相須而成，必不得已，慎乃爲大。」一作先。夫清者不必慎，慎者必自清，亦由仁者必有

勇，勇者不必有仁，是以易稱括囊無咎，藉用白茅者，皆慎之至也。上曰：「卿言得之耳。」可舉近世能慎者誰

乎？諸人各未知所對，吾乃舉故太尉荀景倩，尚書董仲連，僕射王公仲，竝可謂爲慎。上曰：「此諸人者，溫恭

朝夕執事有恪，亦各其慎也。然天下之至慎，其惟阮嗣宗乎？每與之言，言及玄遠，而未嘗評論時事，臧否人物，真可謂至慎矣。吾每思此言，亦足以爲明誠。凡人行事，年少立身，不可不慎，勿輕論人，勿輕說事。如此則悔吝何由而生，患禍無從而至矣。三國志注十八，御覽四百三十略。

傅玄

傅玄爲散騎常侍，及受禪，進爵爲子，加駙馬都尉，與皇甫陶共掌諫議。書鈔

傅玄上疏曰：魏文慕通達而天下賤守節也。文選晉紀總論注。

玄爲太僕時，比年不登，羌胡擾邊，詔公卿會議，玄隨詔所問，諫諍精灼，雖不盡施行，而常見優容也。書鈔

傅玄曰：論經禮者謂之俗生，說理法者名爲俗吏。文選晉紀總論注。

傅咸·玄子

傅咸字長虞，北地泥陽人也。舉孝廉，拜太子洗馬。文選二十五贈何劭王濟注。

傅咸爲司徒左長史，多所執正也。書鈔

傅咸爲尚書左丞時，尚書郭奕咸故將也，累辭疾病不起，復不上朝。又自表妹葬，乞出臨喪，詔書聽許。咸

舉奏之。初學記十一。

傅咸爲右丞，殿中嘗火，百寮莫不趨救，而尚書東平王懋，卽楸，懷帝時改封竟陵。郎溫宇、桓昆等不赴臺，咸以懋等

職在機近。宜當風發。先百寮。就在患疾。宜自扶力。而宴然在外。不赴警急。奏免愆。咸前後所彈奏。辭皆深切。公卿及八座以下。莫不側目。書鈔

傅咸字長虞。遷御史中丞。奏劾少府夏侯陵。當作取官田立私屋。近小人委以家計。令工匠竊盜官物。附

益於私。所營唯利。醜問充斥。大臣穢濁。無以爲訓。奏上。免陵官。書鈔

傅咸再爲本郡中正。遭繼母憂。文選上蕭太傅固辭奪禮啟注。張華建議。起爲司隸校尉。書鈔咸送還印綬。上書曰。咸身

無兄弟。到官之日。哀祭無主。文選上蕭太傅固辭奪禮啟注。固辭不免。乃力疾視事。每剛正直繩。師師嚴憚。書鈔

爲司隸校尉。薨。文選贈何劭王濟注。

傅咸疾惡如讎。書鈔

向雄

溫縣領校向雄送犧牛。不先呈郡太守吳奮。送牛值天大熱。多渴死。奮召雄與杖。雄不受曰。呈牛亦死。奮下雄獄。後雄爲黃門郎。奮爲侍中。同省不相見。武帝敕雄詣奮。王隱議曰。禮雖云君不君。臣不可以不臣。當爲小惡也。三諫不從。則去。不見齒於其君。則不敢立其朝。至如豫讓稱人以國士遇我。我以國士報之。人以凡人遇我。我以凡人報之。惡猶輕於戎首。則可逢而避之。至死不往可也。雄無詔敕。逢避未可非也。

世說注三。通典九十九。案雖未標名。因有王隱議。故錄之。又案世說。稱向雄與劉淮事。惟孫盛與此同。

閻續

趙王倫害張華之時。洛中震悚。惟閻續續字續伯詣東市號哭弔屍而撫之曰。早語君遜位而不肯去。今果

不免禍。御覽四百二十。

阮籍

籍鄰家處子一作女。有才色未嫁而卒。籍與無親。生不相識。七字一作不識其父兄。徑往哭之。盡哀而去。其達而無檢。皆

此類也。世說注七。御覽四百八十七。

魏末。阮籍有才而嗜酒荒放。雲頭散髮。裸袒箕踞。作二千石不治官事。日與劉伶等共飲酒。歌呼。時人或

以籍生在魏晉之交。欲伴狂避時。不知籍本性自然也。以上亦見御覽四百九十八。依以校補。其後貴游子弟。阮瞻。王澄。謝鯤。

胡毋輔之。之徒。皆祖述於籍。謂得大道之本。故去巾幘。脫衣服。露醜惡。同禽獸。甚者名之為通。次者名之

為達也。世說注一。

阮瞻

阮瞻遷平南將軍。江州刺史。懷撫以恩。

阮孚

阮孚為東亭。王珣所封。主簿。東亭曰。卿無乃榮乎。我為宣武史。一日三易面皮。書鈔。案此疑有誤。

阮裕

阮裕除東陽太守。尋徵侍中。不就。還剡山。有肥遁之志。或以問王羲之。羲之曰。此公近不驚寵辱。雖古之沈冥。何以過此。時人云。裕骨氣不如逸少。簡秀不如真長。韶潤不如仲祖。思致不如殷浩。而有諸人之美。御覽四百四十五。

嵇康

嵇本姓奚。其先避怨。徙上虞。移譙國銍縣。以出自會稽。取國一支音同本奚焉。世說注一。兄嵇喜。為太僕廐騶。馮凌知其英俊。待以賓友之禮。以狀表上。御覽四百五。

嵇康妻。魏武帝孫。穆王林女也。文選恨賦注。

晉文王上書。請嵇康為博士。書鈔。

至汲郡見孫登。即阮籍所見者也。嵇康執弟子禮而師焉。魏晉去就。易生嫌疑。貴賤竝沒。故登或默也。世說注六。

康之下獄。太學生數千人請之。於時豪俊。皆隨康入獄。悉解喻。一時散遣。康竟與呂安同誅。世說注四。

劉伶

劉伶字伯倫。長六尺。貌甚醜悴。常攜一壺酒。使人荷鍤自隨。以為死便埋也。御覽三百八十二。

畢卓

畢卓爲吏部郎。性嗜酒。比舍郎酒熟。卓因醉。夜至其甕。間盜飲之。爲掌酒者所縛。旦視之。乃畢吏部也。覽御

七百五十八。

王尼

王尼字孝孫。洛中貴盛。名士王澄、胡毋輔之、李垣等皆與尼交。時尼爲兵曹。在大將軍幕。澄等持羊酒詣軍門吏。疏名內請入見大將軍。澄等旣入。語吏過王尼。炙羊飲酒。訖而去。竟不見將軍。將軍聞之。與尼長

假。遂得離兵。初學記二十四。御覽六百三十。

王尼見太傅越曰。公負尼物。越答初不識此事。尼曰。昔楚人失布。謂令尹盜者。以令尹執政。不能奉禮。率法。至使盜賊公行。是與自盜無異也。今君左右有屋舍。尼舍資財。軍寇撥掠。公爲宰輔。未能禁賊。令尼獨窮困。是亦明公負尼物也。越意解大笑。與尼絹五十疋。類聚八十五。御覽八百十七。

尼避難江夏。時荆土饑荒。尼不得食。乃殺牛斫車輻以煮之。食旣盡。父子俱餓死。書鈔

曹志

曹志薦樂平太守。遷趙郡。不以郡務爲意。晝則遊田。夜則誦咏。以聲色自娛。當時見者。未審其量也。書鈔

庾峻

庾峻字山甫。御覽二百三十三。

峻少好學，有文才。初學記十二。

轉祕書丞，徧觀古今，聞見益廣。一作優。初學記十二。御覽二百三十三。

長安有大獄久不決，轉峻為侍御史，往斷之。朝野稱當。書鈔。

時風俗趣競，禮讓陵遲。峻上疏曰：知足如疏廣，在列位而居東野。文選：稽淵碑文注。

峻遺敕子珉曰：朝卒暮殯，幅巾布衣，葬不擇日。珉奉遺命，殮以時服。御覽五百五十四。

庾顥。今作傲。峻次子。

顥見和嶠曰：森森如千丈松，雖際柯多節目，宜施之大廈梁棟之用。御覽九百五十三。

庾純

庾純字謀甫。御覽二百五十二。

太始六年詔曰：河南京畿大郡，為四方之表，則中書令庾純，清粹忠正，才經治化，其以純為河南尹。御覽二百

五十二。書鈔。

純自劾曰：醉酒荒迷，昏亂儀度，即主臣謹案。河南尹庾純云云。文選：奏彈曹景宗注。

皇甫謐

皇甫謐字士安。安定朝那人。漢太尉嵩曾孫也。祖叔獻。灃陵令。父叔侯。舉孝廉。謐族從皆累世富貴。獨守寒素。所養叔母歎曰。昔孟母以三徙成子。曾父以烹豕存教。豈我居不卜鄰。何爾魯之甚乎。修身篤學。自汝得之。於我何有。因對之流涕。謐乃感激。年二十餘。就鄉里席坦受書。遭人而問。少有寧日。世說注三。

謐姑子梁柳。爲城陽太守。或勸謐送之。謐曰。柳爲布衣過吾。吾送迎不出門。食不過鹽菜。貧不以酒肉爲

禮也。今作郡而送之。是貴城陽太守。而輕鴻季也。豈中古人之道哉。類聚七十二。御覽八百四十八。又九百七十六。

又舉賢良方正。不起。表從武帝借書。上送一車書與謐。謐羸病。手不釋書。歷觀古今。無不皆綜。御覽三百八十六。世

說注三引。作武帝借其書二車。遂博覽。

太子中庶子。議郎徵。竝不就。終於家。世說注三。

皇甫謐篤終論曰。氣絕之後。便時服幅巾。以蘆蔭裹尸。覆卷三重。麻繩約二頭。置屍靈牀上。擇不毛之地。

穿坑十丈。長一丈二尺。廣六尺。坑訖。去牀下屍。平生之物。皆無自隨。唯賫孝經一卷。示不忘孝道。御覽五百五十四。

摯虞附太叔廣。

摯虞字仲治。當作洽。京兆長安人。祖茂。秀才。父模。太僕卿。虞少好學。師事皇甫謐。善校練文義。多所著述。世說

注三。

歷祕書。太常卿。從惠帝至長安。遂流離鄠杜間。性好博古。而文籍蕩盡。永嘉五年。洛中大饑。五月。虞遂餓

而死。世說注三。末三句亦見御覽四百八十六。

虞與太叔廣名位略同。廣長口才。虞長筆才。俱少政事。衆坐廣談。虞不能對。虞退。筆難廣。廣不能答。於是更相嗤笑。紛然於世。廣無可紀記。虞多所錄。於斯爲勝也。世說注三。

太叔廣字季思。東平人。拜成都王爲太弟。欲使詰洛。廣子孫多在洛。慮害乃自殺。世說注三。

東哲

東哲字廣微。平陽二字疑衍。陽平人也。父惠。新書作龍。馮翊太守。兄粲。新書作穆。與哲齊名。文選補亡詩注。

東哲。太康中。郡大旱。苗稼敗。哲乃命邑人躬共請雨。三日中雨水二尺。衆人以其有術。數精誠於神明。百姓歡喜。爲之歌曰。東先生。通神明。請天三日甘雨零。我黍以萌。我稷以生。何以疇之。報東先生。御覽十一。

賈謐請爲著作郎。文選補亡詩注。

太康元年。汲縣民盜發魏襄王墓。或言安釐王冢。得竹書漆字數十車。皆簡編蝌蚪文字。東哲爲著作。隨宜分析。皆有冥證。古書有易卦似連山歸藏。又有春秋似左傳。類聚十又四十。

有銅劍一枚。長三尺五寸。書鈔。

太康元年。汲郡得竹書漆字科斗之文。周時古文也。大凡七十五卷。晉書有其目錄。其六十八卷皆有名題。其七卷折

簡碎雜。不可名題。有周易上下經二卷。紀年十二卷。瑣語十一卷。周王遊行五卷。說穆王遊行天下之事。今謂之穆天子傳。此四

部差爲整頓。詔荀勖和嶠以隸字寫之。玉海四十七。案此明標東晉傳。

嘗覽周成王詩。有其義。亡其辭。惜其不備。故作詩以補之。文選補亡詩注。兼用六臣本校。

郤詵

郤詵對策上第。拜朝議郎。母憂去職。母病苦車。及亡。不欲車載。而家貧。而以市馬。馬原作買。因音致誤。一作得馬。乃於

所住堂北壁假葬。朝夕拜告。養雞種蒜。竭其方術。喪過三年。得馬八疋。輿棺至家。負土成墳。御覽四百十二。又九百十八。

郤詵爲尚書左丞。推奏吏部尚書崔洪。洪曰。舉詵丞而還奏我。此謂挽弩自射。詵曰。趙宣子任韓厥爲司

馬。而厥以軍法戮宣子。崔侯爲國舉才。我以才見舉。唯官是視。各明至公。何故其言。乃至於此。洪聞而悅

服之也。初學記十一。

遷雍州刺史。於東堂會送。武帝問郤詵。卿自以爲何如。詵對曰。臣舉賢良。對策爲天下第一。猶桂林之一

枝。若崑山之片玉。帝笑。侍中奏免詵。詔曰。吾與戲耳。類聚二十五。

華譚

華譚字令思。廣陵人。書鈔

譚爲鄉令。司徒王戎聞在政有稱。而時。原缺民以役荒。以穀三百斛與譚。使給饑。原缺譚給無困者。書鈔

袁甫

甫詣何勛言能爲劇縣勛曰不爲臺閣何也甫曰人各有能有不能譬繪中之好莫過錦錦不可以爲幘穀中之美莫過稻稻不可以爲齋書鈔

